

四庫全書

子部

欽定四庫全書

子部

證治準繩卷一百十一

詳校官太醫院醫士 臣 舒 岱

編修臣 倉聖脈覆勘

總校官進士 臣 朱 鈐

校對官典簿 臣 郭祚熾

謄錄監生 臣 饒文洲

欽定四庫全書

證治準繩卷一百十一

明 王肯堂 撰

外科

下部

便毒

鬼遺云腿胫兩處起為便毒跨下兩脣尖下大道前

穀道

小道後

水道

成懸癰皆是虛極人患此癰近穀道左右亦

名痔癰宜急補脾臟及發處貼藥即用發穴散破後用
抽膿膏膿盡用合瘡口散合之慎勿過冬即成冷漏難
治 夫便毒生於小腹下兩腿合縫之間其毒初發寒
熱交作腿間腫起疼痛是也夫腎為作強之官所藏者
精與智也男女大慾不能直遂其志故敗精搏血留聚
經隧乃結為便毒矣蓋腿與小腹合縫之間精氣所出
之道路也或觸景而動心或夢寐而不洩既不得偶合
陰陽又不能忘情息念故精與血交滯而成腫結也初

起切不可用寒涼之藥恐氣血愈滯不得宣通反成大患惟當開鬱散氣清利熱毒使精血宣暢則自然愈矣
孫按前論蓋思想無窮所願不遂者設也此固一說而意猶未完果如此論當僧尼孀婦宮人曠夫多有此患然予目擊商賈中野合不潔淫妓便構此疾或疳瘡或楊梅者亦由慾火淫熾一旦交合不潔為淫火沖動膚腠開通是以受毒初發之時慎不宜以敗毒之藥瀉之何也毒邪非虛不入若復虛胃氣則毒邪下陷治之

非彌年累月不愈也捷法只宜發汗其次利小便膚腠
所感之邪汗易散也陰莖腿縫皆肝經絡肝腎主下焦
又肝主小便使毒邪從小便中出所治皆順也故治之
不旬日便可奏功若曾已發汗利小便體厚邪固而不
得宣通者乃以破毒活血調氣之劑攻之俟毒氣宣通
隨以補劑托之亦不失先後者也 薛便癰屬厥陰肝
經內熱外寒或勞倦過度或房慾不節或慾心不遂或
強固其精或肝經濕熱而致治法內熱外寒者雙解散

勞倦過度者補中益氣湯房慾不節者六味丸料慾心
不遂者先用五苓散加大黃疎其精滯後用地黃丸以
補其肝腎強固其精或濕熱壅滯者宜用龍膽瀉肝湯
疎肝導滯夫便癰血疝也屬厥陰肝經之絡脈衝任督
脈之隧道故婦人患此多在兩脇腫痛或腹中結塊小
便澀滯苟治者得法患者又能調攝何難斂之有若槩
用大黃等劑以求其內消或令膿從便下損其氣血及
不慎起居飲食者皆為不治

表一人腫痛發熱以荆防敗毒散二劑而止以雙解散

二劑而消

荆防敗毒散治便癰發寒熱或拘急疼痛

方見腫瘍

裏一人焮腫作痛大小便秘脈有力以玉燭散二劑頓退更以龍膽瀉肝湯四劑而消

子和玉燭散

即四物湯調胃承氣湯各半服之

世又方

劉寄奴 王不留行 大黃 金銀花 木鼈子

右等分酒水煎露一宿五更服

丹治便毒初起

射干

二寸

生薑

如大指
搗細

右取順流水煎微沸服之以瀉為度又用牛皮膠醋

黃塗患處

射干紫花者
是紅花者非

治已結成膿者

大黃

半兩

枳實

厚朴

各三錢

甘草節

一錢

連翹

半兩

桃仁

泥

二十枚

右分三服薑三片水煎服

又治便毒

青皮 白芷 柴胡 赤芍藥 檳榔 朴硝

烏藥 木瓜 大黃 連翹 瓜蒌 生地黃

甘草節 黃芩 三稜 蓬朮 犀角 皂角刺

右為呔咀以水三碗煎至一碗候大饑服以瀉為度

三物湯 治便癰

牡蠣 大黃 山梔子

各等分

右為末以酒水一大盞煎至七分露一宿空心溫服
四神散 治便毒初起寒熱欲成癰疽服此神効

大黃

木鼈子

殭蠶

貝母

各二錢半

用酒水各一鍾煎至一鍾食前熱服若得汗下為妙
雙解散 治便毒內蘊氣外挾寒邪精血交滯腫結疼
痛

川大黃

三錢澤瀉

牽牛

白芍藥

桃仁

去皮尖各二錢

辣桂

甘草

各一錢

右作一服水二鍾生薑五片煎至一鍾食前服

補骨脂散

破故紙

研炒

牛蒡子

微炒

牽牛

炒

大黃

酒拌炒

各等分

右為末每服一兩酒調下

消毒五聖湯

治便毒腫疼神効

五靈脂

白殭蠶

鬱金

貝母

大黃

各二錢

右酒水各半煎服連服三貼立愈

消毒飲

治便毒初發三四日可消

皂角針 金銀花 防風 當歸 大黃 甘草

節

瓜蒌實

各等分

右咬咀水酒各半煎食前溫服仍頻提掣頂中髮立効

又方 木鼈子大黃瓜蒌桃仁草龍膽咬咀濃煎露一宿清晨溫服立愈

止痛妙絕飲 治便毒腫硬不消不潰疼痛無已此方一服立能止痛

人參 大黃

各五錢

右用酒水各一鍾煎至一鍾入乳香沒藥各一錢空

心食前服

牡蠣散 治血疰即便毒

當歸 甘草節

滑石

煨

牡蠣

煨

各一錢半

大黃

三錢

木

鼈子

五枚 杵

作一劑用水二鍾煎一鍾露一宿五更頓服冬月火

溫服已未潰膿血從大便出

薛按此方乃鹹寒導滯之劑若久曠房室大小便秘
發熱焮痛或交感強固精氣致精血交錯腫結疼痛
便秘者宜用若勞倦之人不甚焮痛大小便如常或
小便赤色發熱不作膿及潰而不斂宜用十全大補
湯蓋此證多起於勞役不足或房勞過度精氣俱虛
之人俗云一石米瘡此言百日後可愈也若大補氣
血不旬日而愈何用百日蓋瘡之收斂在乎血氣之
盛也嘗治舉人凌待之虛而服尅伐藥幾致危殆予

用托裏健脾藥而消秀才王文遠勞苦患之服小柴胡湯而表證散後用托裏藥膿成針之而旬日愈胡判官膿清脈弱以大補之藥而已愈因新婚復發自用連翹消毒散致瀉痢不止竟致不救可見此證屬不足多矣非補不可大抵便毒屬肝經初起堅硬肝主筋故也五七日後當赤軟膿成故也若尚堅硬乃元氣不能腐化往往人見堅硬只欲內消反復攻散藥多致虛虛之禍前所治者即其驗也

又方

山梔 大黃 乳香 沒藥 當歸 瓜蒌仁

各半錢

二錢代赭石 一錢

右作一服水煎

表裏一人不慎房勞患此腫痛以雙解散二服其病即止更以補中湯數劑而膿成針之以八珍湯加五味麥門柴胡三十餘劑大抵便癰者血疝也俗呼為便毒言於不便處患之故也乃足厥陰肝經絡及衝任督脈

亦屬肝之旁絡也是氣血流通之道路今壅而腫痛此則熱毒所致宜先疎導其滯更用托裏之劑此臨證制宜也

防風通聖散

治瘡瘍便毒若瀉去芒硝大黃能解暑

月熱毒或遍身頭而患瘡

芍藥

焙

芒硝

滑石

煨

川芎

大黃

煨

桔梗

石

膏

煨

荆芥

麻黃

各四分

山梔

白朮

連翹

當

歸

薄荷

甘草

防風

黃芩

各八分

作一劑水二鍾煎八分服

愚按此方非表裏俱實大小便秘者恐不可用宜審之通聖散合益元散名雙解散

蘇方散 治便毒

木鼈肉 當歸尾 芍藥 白芷 粉甘草 川

芎 射干 忍冬 即金銀花 大黃 沒藥 蘇木 穿

山甲

塘火煨各六分

右細切作一服水酒各一盞煎至一盞食前服

流氣活血東垣青皮湯 治便毒

青皮 防風 當歸身 甘草稍

生各等分

右咬咀分作四服水一小碗煎至八分去渣大溫服
空心日進三服

復原通氣散 便毒初發用此

南木香 延胡索 天花粉

酒漫

舶上蘘香

炒

白牽

牛 炒 白芷 當歸 甘草

各一兩

青木香

半兩

穿山甲

酒浸炙
焦二兩

右為細末每服二錢食前溫酒調服木香湯亦可

補虛府庠沈尼文年二十左拗患之余以肝腎陰虛先用托裏藥潰而將愈因入房發熱作渴右邊亦作痛膿水清稀虛證悉至脈洪大而無力勢甚可畏用十全大補加附子一錢脈證頓退再劑全退後用大補湯三十餘劑而痊 一男子腫而不潰余謂此因陽氣虛弱用參芪歸朮以補托元氣用白芷皂角刺柴胡甘草節以排膿清肝數劑而潰以八珍加柴胡補其氣血數劑而

愈 一人患便毒膿稀脈弱以十全大補湯加五味麥
門白薇三十劑稍愈更以參芪歸朮膏而平因新婚復
發聚腫堅硬四肢冷脈弱皮寒飲食少思此虛極也仍
用前藥加桂附三劑稍可彼欲速愈自用連翹消毒飲
泄利不止而歿 一人年踰四十素勞苦患便毒發寒
熱先以小柴胡湯加青皮一服表證悉退次以補中益
氣湯加穿山甲二劑腫去三四更以托裏之藥五六服
膿成刺去旬日而斂 一人腫而不潰以參芪歸朮甘

草節皂角刺白芷柴胡數劑而潰以八珍湯加柴胡數劑愈 一人潰而腫不消且不斂診之脈浮而濇以豆豉灸更以十全大補湯月餘而愈

消毒清火一儒者腫痛便澀用八正散二劑清肝火導濕熱而腫痛愈再以小柴胡加芩歸澤瀉山梔二劑清肝火補腎血而小便利 一男子潰而腫痛不止此陰毒未解用活命飲一劑而痛止再劑而腫消 一男子痛甚發熱用前飲一劑痛止再以神効瓜蒌散加山梔

柴胡二劑而消 一男子已潰而痛不止小便秘澀此
肝火未解也與小柴胡湯加黃檗知母芍歸痛止便利
更以托裏當歸湯而瘡斂若毒未解而痛不止者便用
活命飲 一人膿未成大痛服消毒托裏內消藥不應
脈洪大毒尚在以仙方活命飲一劑痛止又劑而消

一人潰而痛不止諸藥不應診之脈大按之則數乃毒
未解也以仙方活命飲而止又二劑而消 一人腫痛
日晡發熱以小柴胡加青皮天花粉四劑痛止熱退以

神効瓜萋散四劑而消

瓜萋散 治便癰等惡瘡

瓜萋

一枚

金銀花

牛蒡子

炒各三錢

生薑

甘草

各半兩

右將藥不犯銅鐵器搥碎用酒一大升煎數沸空心

溫服

威靈仙散 治便毒

威靈仙

貝母

知母

各一兩

右三味為末每服三錢空心溫酒調下如不散再服

薛按此方通經去膿消毒補虛益氣蓋此證多患於陰虛之人此方乃是一見也亦有焮痛小便數者宜先用加減龍膽瀉肝湯大小便秘焮腫作痛宜八正散增寒發熱荆防敗毒散然後用此方若不作膿或膿不潰宜用大補之劑潰而不斂者更用豆豉餅灸之小便不利一老婦腫痛膿未作小便滯肝脈數以加減龍膽瀉肝湯加山梔黃檗四劑而消

加減龍膽瀉肝湯

龍膽草

酒拌炒

澤瀉

車前子

炒

木通

生地黃

當歸尾

山梔

炒

黃芩

各一錢

甘草

生用五分

作一劑用水二鍾煎至八分食前服如濕盛加黃連

大便秘加大黃

大便秘不實一人服尅伐藥以求內消致瀉利少食以二神丸先止其瀉以十全大補倍加白朮茯苓數劑而消一人年踰四十患便毒尅伐太過飲食少思大便不實遺精脈微東垣云精滑不禁大便不利腰脚沈重下

虛也仲景曰微弱之脈主氣血俱虛以六君子加破故
紙肉豆蔻煎服泄止食進更以十全大補湯加行經藥
十餘劑而消

婦人一婦素清苦因鬱怒患前症或用敗毒寒涼之藥
反晡熱內熱自汗盜汗月經不行口乾咽燥余謂此鬱
氣傷脾因藥復損先以當歸湯數劑後兼逍遙散各五
十餘劑而諸證皆愈 一婦小腹內如有所梗兩脇與
人門俱腫小便淋瀝經候不調內熱作渴飲食少思腹

內初如雞卵而漸大脈洪數而虛左關尤甚屬肝脾鬱
結之證也用加味歸脾湯肝火退而脾土健間以逍遙
散下蘆薈丸而愈 一婦兩拘腫痛腹內一塊不時上
攻月餘不調小便不利余以為肝脾氣滯以四君加芩
歸柴胡山梔而愈後因鬱怒前證復作却兼胸脇脹滿
盜汗此肝木甚而傷脾土用加味歸脾湯下蘆薈丸而
痊 一婦小腹內或作痛或痞悶兩拘腫痛內熱寒熱
胸膈不利飲食不甘形體日瘦此肝氣滯而傷脾氣朝

用補中益氣湯夕用六味丸漸愈更用蘆薈丸而全愈
一婦兩拘腫痛小腹痞脹小便時數白帶時下寒熱
往來小水淋瀝余謂脾氣滯而血病用龍膽瀉肝湯漸
愈又用加味逍遙散六味丸而全愈 一婦人患前證
胸脇脹悶或小便不利或時作痛大便澀滯服疎氣豁
痰等藥益甚余謂肝火氣分之病用龍膽瀉肝湯以清
肝熱又用加味逍遙散以生肝血六味丸以滋腎水而
愈 一婦患前證余謂此肝脾鬱怒之證不信別服化

痰利氣之劑胸腹脹悶又服峻利疎導之劑變脾虛發
腫之證而歿 一婦兩拘腫痛內熱作渴飲食不甘肢
體倦怠陰中作梗小便赤澀為肝脾陰虛濕熱用加味
歸脾湯而愈後因怒復作小腹腫脹小便不利用小柴
胡加山梔芎歸以清理肝火脹痛頓止又以加味逍遙
散調補肝火而痊 一婦人兩拘腫痛寒熱內熱小便
赤澀胸脇不利此肝火動而脾氣傷用補中益氣湯加
茯苓四劑少愈又與加味歸脾湯諸證悉退再用加味

逍遙散而全愈 一婦小腹痞悶小便不利內熱體倦
懶食此氣血虛而兼肝火用八珍湯加柴梔膽草治之
而安 一婦陰中如梗兩拘腫痛寒熱不食小便頻數
小腹重墜余以為肝脾鬱結所致先以補中益氣湯加
山梔茯苓車前子青皮以清肝火升脾氣更以加味歸
脾湯二十餘劑調理脾鬱而愈

雜方退毒散 治便毒腫結

穿山甲

醋炙
五錢

木豬腰子

醋微炙
三錢

為末每服二錢食前老酒調下次以醋煮肥皂研膏

敷之妙

木猪腰子
即木猪苓

立消散 消便毒癰腫如神

全蝎

炒 核桃 去壳肉只
用隔膜炒

等分為末空心酒調下三錢下午再服三日全愈

又方 白僵蠶槐花為末酒調服一方加酒大黃

外治敷藥方 治便毒腫痛

雄黃

乳香

各二兩

黃檗

一兩

右為細末用新汲水調敷腫處自消

丹又方用甘草節白芷黃連各等分如破者龍骨白枯
礬赤石脂并用鐵圍散癰疽腫毒亦治用之効

乳香

沒藥

各半兩

大黃

黃連

黃檗

南星

半夏

防風

羌活

皂角刺

木鼈子

瓜蒌

甘草節

草烏尖

阿膠

右為細末醋調成膏入石器內火熬黑色鵝翎蘸傅
之

毛際瘍

或問小腹至陰之下玉莖之根痒極沸湯沃之稍止而復作有三四竅黃水淋漓何如曰此廣瘡結毒也詢之幼時曾生惡瘡旬日後大痛腫甚飲食少進作結毒治之

囊癰

丹外科精要云癰疽入囊者死囊屬厥陰今以死言之將以為屬少陰腎經邪余親見入囊者七八人悉以濕

熱入肝經施治而用補陰藥佐之雖膿潰皮脫罌九懸
掛可畏者皆不死但不知下虛年老者如何耳 囊癰
濕熱下注也有作膿者此濁氣潤下將流入滲道因陰
道或虧水道不利而然膿盡自安不藥可也惟在善於
調攝耳又有因腹腫漸流入囊腫甚而囊自裂開罌九
懸掛水出以煑炭杉木炭末傅外以紫蘇葉包裹仰卧養
之 大抵此證屬陰道虧濕熱不利所致故滋陰降濕
藥不可缺常治腫痛小便秘滯者用除濕為主滋陰佐

之腫痛已退便利已和者除濕滋陰藥相兼治之欲其成膿用托裏為主滋陰佐之候膿成即針之仍用托裏滋陰若濕毒已盡者專用托裏如膿清或多或斂遲者用大補之劑或附子餅灸之 薛囊癰屬肝腎二經陰虛濕熱下注若小便澀滯者先分利以泄其毒繼補陰以令其自消若濕熱退而仍腫痛宜補陰托裏以速其膿膿成而便秘者熱毒壅閉也先用托裏消毒散後用針以泄之膿去即解若膿去而腫痛不減者熱毒未解

也用清肝養榮湯口乾而小便數者腎經虛熱也六味
丸內熱晡熱者肝經血虛也四物加參朮體倦食少者
脾氣虛熱也補中益氣湯膿水清稀者氣血俱虛也十
全大補湯此證雖大潰而羣丸懸露治得其法旬日肉
漸生而愈若專攻其瘡陰道益虛則腫者不能潰潰者
不能斂少壯者多成痼疾老弱者多致不起亦有患痔
漏久而串及於囊者當兼治其痔切忌寒藥剋伐虧損
胃氣

一人囊癰未作膿而腫痛以加減龍膽瀉肝湯二劑少
愈更以四方加木通知母黃檗而消 一人膿熟作脹
致小便不利急針以小柴胡加黃檗白芷金銀花四劑
少愈更以托裏消毒散數劑而消 一人年踰五十陰
囊腫痛得熱愈盛服蟠蔥散不應肝脈數此囊癰也乃
肝經濕熱所致膿已成急針之進龍膽瀉肝湯脈證悉
退更服托裏滋陰藥外敷杉木炭紫蘇末月餘而愈
一人年踰六十陰囊潰痛不可忍罌九露出服龍膽瀉

肝湯數熨炭紫蘇末不應薛意此濕氣熾盛先飲槐花
酒一碗次服前湯少愈更服托裏加滋陰藥而平設以
前藥不應加之峻劑未有不損中氣以致敗也 一弱
人腫痛未成膿小便赤澁以製甘草青皮木通黃檗當
歸麥門四劑少愈以清心蓮子飲四劑而消 一人炊
腫痛甚小便澁發熱服數以龍膽瀉肝湯倍車前木通
澤瀉茯苓勢減半仍以前湯加黃檗金銀花四劑又減
二三便利如常惟一處不消此欲成膿再用前湯加金

銀花皂角針白芷六劑微腫痛脈滑數乃膿已成針之
痛腫悉退投滋陰托裏藥及紫蘇末敷之而愈 一人
病勢已甚脈洪大可用前湯二劑腫少退以仙方活
命飲二劑痛少止脈洪數膿已成須針之否則陰囊皆
潰彼不信更他醫果大潰罌九掛復求治脈將靜以八
珍湯加黃芪黃槩知母山梔更敷紫蘇末數日而痊
一人連日飲酒陰挺并囊溼痒服滋陰等藥不應薛謂
前陰肝脈絡也陰氣從挺而出素有溼繼以酒為濕熱

合於下焦而然經曰下焦如瀆又云在下者引而竭之
遂以龍膽瀉肝湯及清震湯而愈此或不應宜補肝湯
及四生散治之 儒者陳時用考試不利一夕飲燒酒
入房妻不納翌日陰囊腫脹焮痛遣人求治薛以除濕
熱清肝火之劑城門夜閉不及歸服翌早報云夜來陰
囊悉腐玉莖下面貼囊者亦腐此肝火挾酒毒而濕熱
熾盛也仍以前藥加參芪歸朮四劑腐肉盡脫畢九懸
掛用大補氣血并塗當歸膏囊莖全復而愈

一人患此腫痛發熱以小柴胡加青皮黃連四劑少愈
更以龍膽瀉肝湯而消 給事陸貞山腫赤脹痛小便
瀦滯寒熱作渴此肝腎陰虛濕熱下注也當清肝火除
濕毒遂用柴胡炒龍膽吳茱萸炒黃連當歸銀花皂角
刺赤芍藥防風木通甘草節一劑腫痛漸退少加防風
木通川芎茯苓作飲下滋腎丸以補陰其熱腫俱退但
內有一條筋不消此肝經血氣虛損也當滋腎水用六
味丸料去茯苓加五味二劑再用補中益氣加茯苓作

飲送滋腎九筋頸消而愈

加味瀉肝湯 治肝經濕熱不利陰囊腫痛或潰爛皮

脫羣丸懸掛或便毒及下疳腫痛或潰爛並皆治之

龍膽草

酒拌炒

當歸尾

車前子

炒

澤瀉

生地黃

芍藥

炒

黃連

炒

黃檗

酒拌炒

知母

酒拌炒

防風

各一錢

甘草稍

五分

作一劑水二鍾煎八分食前服外敷烏金散

京兆朱二峰陰囊脹痛彼以為疝薛診其脈數而滑此

囊癰也因肝腎二經陰虛濕熱所致膿已成矣服活命
飲一劑而潰更用補陰托裏而斂 一膏粱之客陰囊
腫脹小便不利此中焦積熱乘虛下注先用龍膽瀉肝
湯加黃檗知母黃連牛膝四劑漸愈後用補陰八珍湯
加柴胡山梔而愈後不守禁忌前證復作仍用補陰八
珍湯補中益氣湯六味九而痊又因勞發熱自用四物
黃檗知母之類虛證悉具瘡口開大薛謂五臟氣血俱
虛也朝用補中益氣夕用六君子加當歸各五十餘劑

瘡口漸斂又用六味丸調補而愈 府庠李達卿素腎
虛發熱久服黃檗知母之類形體漸瘦遺精白濁晡熱
唾痰薛曰此腎水虧損虛火內熾用補中益氣之類加
五味麥門前證將愈又別用清熱涼血之劑飲食少思
唾痰不止薛以為脾肺復虛不能攝涎歸源仍用前湯
加茯苓半夏而愈後入房頭暈吐痰腰骨作痛大小便
道牽痛薛曰此精已耗而復竭所致危殆之證也遂朝
用前湯加麥門五味夕用六味丸料加五味子萆薢五

十餘劑諸證頓退後又入房陰囊陰莖作痛別用淡滲之劑陰囊內潰薛用補陰托裏之劑出膿甚多喜腫消痛止竟不善調養以致大便不通小便如淋痰涎上涌薛曰腎虛之證復作矣誠為可慮有保其可生者用礞石滾痰丸牛黃清心丸之類吐痰愈加薛曰非惟無以保其生而反促其危矣固辭不治後果歿一男子醉而入房陰囊腫脹大如斗小腹脹悶小水淋赤發熱口乾痰涎壅甚此胸膈陰虛酒毒所乘也用六味丸料加

車前牛膝作飲下滋腎丸諸證頻退再加五味麥門二劑而愈却以補中益氣湯麥門五味調理而康若用淡滲復損真陰決致不起

加味小柴胡湯 治囊癰腐爛或飲食少思日晡發熱

柴胡 人參 黃芩 炒 川芎 白朮 炒 黃芪 鹽水浸炒

當歸 酒洗 黃檗 酒拌炒 知母 酒拌炒 甘草 各一錢 半夏 五分

作一劑水二鍾煎八分食前服痛甚加黃連小便不利加木通

知州王汝道先晡熱發熱肢體倦怠入房則腿足酸軟
足心熱至腿膝六脈洪數兩尺為甚余以足三陰虛欲
滋補化源彼反服苦寒降火之劑後陰囊腫脹用治疝
之藥腫脹益甚形氣愈虛服溫補之劑腫痛上攻小便
不利兩尺脈洪滑按之虛甚余曰此囊癰也因氣血虛
而不能潰先用補中益氣湯加山藥山茱萸車前子柴
胡山梔一劑腫脹頓消隨用六味丸料加車前牛膝柴
胡山梔一劑小便漸通乃用活命飲與前二藥消息兼

用至二十餘劑膿裂出穢膿甚多乃用托裏消毒散六劑膿穢清又用托裏散數劑膿水漸少更用補陰托裏散及十全大補湯五十餘劑而痊 一人年踰五十患此瘡口不斂診之微有濕熱治以龍膽瀉肝湯濕熱悉退乃以托裏藥及豆豉餅灸而愈次年復患濕熱頗盛仍用前湯四劑而退又以滋陰藥而消若潰後虛而不補少壯者成漏老弱者不治膿清作渴脈大者亦不治一人患此久不斂以十全大補湯加五味麥門灸以

豆豉餅月餘而平 一弱人膿熟脹痛大小便秘急針之膿出三椀許即寢睡覺思少健但針遲故用托裏藥至三十餘劑始差若服解毒藥即潰盡矣

似是而非一人囊腫狀如水晶時痛時癢出水小腹按之作水聲小便頻數脈遲緩此醉後飲水入房汗出遇風寒濕毒乘聚於囊名水疝也先以導水丸二服腹水已去小便如常再以胃苓散倍白朮茯苓更用氣針引去聚水而差 一人年踰四十陰囊腫痛以熱手熨之

少緩服五苓散不應尺脈遲軟此下虛寒邪所襲而然
名曰陰疝非瘡毒也治以蟠蔥散少可更服葫蘆巴丸
而平 一人年踰三十陰囊濕痒莖出白物如膿舉則
急痛此肝疝也用龍膽瀉肝湯而愈陰莖或腫或縮或
挺或痒皆宜此藥治之

治腎癰用石蠟熱水磨服

石灰散 治腎漏陰囊先腫後穿破出黃水瘡如魚口

能致命

右用五倍子同石灰炒黃色去灰攤地出火毒砂盆
內研細末不犯銅鐵乾摻上五七次可

治外腎癰瘡

抱雞卵殼 鷹爪黃連 輕粉

各等分

右為細末用煎過清油調塗

烏金散

麝炭

紫蘇葉

各半分

右為末香油調搽

陰瘡

陰器屬足厥陰肝經任脈之會素問云厥陰之脈絡陰器繫於肝靈樞曰筋者聚於陰器而脈絡於舌本肝者筋之會也又屬督脈素問曰督脈者其絡循陰器合纂間是也至於足太陽外合清水內屬胸臑而通水道手太陽外合淮水內屬小腸而水道出焉則又屬手足太陽也腎主水則又屬足少陰也飲入於胃游溢精氣上輸於脾脾氣散精上歸於肺通調水道下輸胸臑則又

屬手太陰也素問又謂前陰者宗筋之所聚太陰陽明之所合則又屬脾與胃矣癰瘡生其間須細心求而責之不可專主一厥陰肝經而惟清肝導濕之為事斯無誤矣 隱處瘙痒成瘡挾有耳鳴目痒鼻赤齒浮指縫白等症為腎臟風瘡 生於陰頭為陰頭癰 生於竅口為下疳瘡 今但生於陰莖者皆為下疳姑從之 腎臟風瘡戴院使云癩風因精未調外為風濕所襲從陰囊濕汗作痒起流注四肢手叉白色悉生瘡痒俗謂

之腎臟風四生飲二兩以竹刀細切豬腰一對銀石器
中酒漉煮爛研細和藥為丸如梧子大如不可丸入酒
醋少許每服五六十丸鹽酒空心下又用花蛇散和消
風散酒調服或升麻和氣飲嚙烏頭黃鹽丸及烏荊丸
或花蛇丸若癩常濕痒欲得淋洗則以蛇床子一味煎
湯用之

三因四生散 治癩風上攻下注耳鳴目痒鼻赤齒浮
或作口瘡下注陰濕四散搔痒通體生瘡及婦人血

風等症

白附子

蒺藜

剉去

黃芪

蜜炙

羌活

各等分

為末每服二錢鹽酒調下有一人將豬腎破開入鹽
摻藥煨亦妙癰屬宗筋胃陽明養之故有是證

治腎臟風 凡指縫白者只一二服効

黃芪

一兩 木通

甘草

黑牽牛

各半兩

右四味細剉用蟹螯七枚去翅同藥炒焦黑去蟹螯
餘為末蒸餅糊為丸如桐子大空心鹽湯下三十丸

本事烏頭丸 治腎臟風上攻下注生瘡并癰

川烏頭

草烏頭

二味以黑豆半升煮透
軟去皮脂切曬各一兩

天麻

地龍 白附子

去土 各半兩

右為末酒糊為丸如桐子大每服二三十丸空心食
前鹽酒鹽湯任下

腎臟風甘草節煎湯洗極効

腎臟風痒不可當者吳茱萸蛇床子等分煎湯洗神効

治腎臟陰汗生瘡用莧菜根莖葉燒灰存性研末抓

破傳之立愈又蒼耳草蛇床子煎湯洗之良

全蝎散 治腎臟風發瘡痒

全蝎

三枚 焙

明硫黃

二錢 研

生號丹

一錢

輕粉

半錢

雞心櫛

榔

一大箇 破開好黃丹一錢 合內濕紙裹煨

麝香

少許 研

右為細末研勻磁盆收每用少許麻油調抹兩掌先以鼻嗅男以兩掌揜外腎女以兩掌揜兩乳各睡至醒次日依前再用藥屢効

牡蠣散 治陰囊兩傷生瘡或陰濕水出其痒甚苦夜

則抓之無足後必自痛或兩腋汗脚板心汗濕無可奈何此藥主之余親得此症受苦數十年得此方隨用二三日如法擦之二十餘年不發實為神効

牡蠣 黃丹

炒各二兩

枯白礬

四兩

右為細末遇夜睡時用手捏藥於陰痒處痛擦之不一時又搽之三四次後頓減次夜再搽雖大減又搽後自然平復如腋汗亦須頻搽方可脚汗先搽後裝藥靴或鞋底上脚板上塗藥纏脚裏之亦可

浴毒湯 治小腸風陰瘡痒痛

木通 藁本 枳殼 貫衆 荊芥 甘松 薄

荷 白芷

右剉碎用藥二兩水五升入芒硝半兩煎至三升去滓熱洗浴瘡

陰瘡膏 治男女陰瘡

米粉 一酒杯許 芍藥 黃芩 牡蠣 附子 白芷 各七

錢半

右六味為呖咀以不入水豬膏一斤微火上煎三上
三下候白芷黃膏成絞滓去入白粉和取傅瘡上

小浴方 治虛勞陰濕痒生瘡

川椒 苦參 蛇床子 各一兩半 香附子 白礬 白

芷 狗脊 細辛 各一兩 桂心 三分

右呖咀每用藥一兩以水三升煎至二升去滓傾入
盆子內但乘熱氣坐盆子上熏之良久通身便洗患
處甚者不過三兩度

沐浴長春散

治男子下元陰濕久冷陰囊左右夜痒

抓之則喜住之則痛成瘡流水為害甚苦此藥見効
及治婦人下部陰濕胎元久冷

牡蠣

蛇床子

破故紙

紫稍花

官桂

乾

荷葉

各等分

右咬咀每用一兩半水一小鍋入葱白數莖煎至八
分去滓先薰後洗却用後藥

枯礬

一兩黃丹

蛤粉

各半兩

右件共研為細末熏洗了後以手捏藥末捺濕痒處

銅綠散 治男婦陰部濕淹瘡

銅錄

少許

白礬

一錢

乳香

半錢

輕粉

一字

五倍子

細研

半兩

右為細末洗淨摻之

寇有一婦人患臍下腹上連二陰遍滿生濕瘡狀如馬刀他處並無熱痒而痛大小便澁出黃汁食亦減身面浮腫醫作惡瘡治用鰻鱧魚松脂黃丹之類塗瘡上愈熱痛甚治不對故也細問之此人嗜酒貪啗喜魚蟹發

風等物急令用溫水洗拭去膏藥尋馬齒莧四兩研爛入青黛一兩再研勻塗瘡上即時熱減痛痒皆去仍服八正散日三服發散客熱每塗藥一時久即乾又再塗新濕藥如此二日減三分之一五日減二自此二十日愈既愈乃問曰此瘡何緣至此曰中下焦畜風熱毒熱氣若不出當作腸癰內痔仍須禁酒及發風物後不能禁酒果患內痔

世腎臟風癰灸血却

即百蟲窠右膝內廉上膝三寸陷中者

集腎臟風瘡灸血郄

即百蟲案針入寸半灸二七壯

灸三陰交

下疳瘡薛下疳瘡屬肝經溼熱下注或陰虛火燥治法
腫痛發熱者血虛而有熱也四物湯加柴胡山梔腫痛
寒熱者肝經濕熱也小柴胡湯加龍膽草黃連腫痛便
澀者濕熱壅滯也龍膽瀉肝湯腫痛腐潰者氣血虛而
有火也八物湯加山梔柴胡日晡熱甚者陰血虛而有
熱也小柴胡湯加參朮芎歸日晡倦怠者陽氣虛而下
陷也補中益氣湯其經久不愈而發寒熱者腎水不能

生肝木也用六味丸若筋縮縱或為痒痛或出白津此
筋疝也用龍膽瀉肝湯氣虛者補中益氣加炒山梔炒
龍膽陰虛火燥者用六味丸莖中痒出白津用補中益
氣湯與清心蓮子飲間服蓋此證肝經陰虛為本腫痛
寒熱等證為標須用六味丸以生肝血凡脾土虛不能
生金水而見一切肝證者當佐以補中益氣湯加麥門
冬以滋化源 丹治男子恥瘡或痛在莖之竅或痛在
莖之標皆手足太陽不利熱毒下傳入於足厥陰故變

紫黑色作蝕瘡毀其莖而死宜以子和泄水丸散導濕
毒無不愈者若已成瘡先泄其根次從標而治外以葱
白黑豆汁溲洗拭乾以黃連木香蜜陀僧乾胭脂之類
細末搽之如內潰膿不出以追膿散上之又用子和泄
水丸如後竅體少可用黃連木香胭脂等貼之 一隣
人年三十性狡而躁素患下疳瘡或作或止夏初患白
痢膈上微悶醫與理中湯四貼昏悶若死片時而甦予
脈之兩手皆瀉重取略弦似數予曰此下疳瘡之深重

者與當歸龍薈丸去麝四貼而利減與小柴胡去半夏
加黃連芍藥川芎生薑煎五六貼而安 一男子近三
十歲有下疳瘡雖屢求治以其不能忌口却之忽一日
頭痛發熱自汗衆作傷寒陽證治之反劇予診其脈弦
甚至七重按則澁予曰此證在厥陰藥與證不相應遂
作小柴胡湯加草龍膽黃連胡黃連帶熱服四劑而病
脫然 婁嘗治一男子下疳瘡每恣飲酒則發醫與小
柴胡湯加黃連數貼不効又與玉燭散下之反劇予以

甘草節小建中湯各半煎服之下咽痛止後以四物湯建中甘草等分與之遂安 薛庶吉士劉華甫或莖中作痛或竅出白津或小便秘澀先用小柴胡湯加山梔澤瀉黃連木通膽草茯苓二劑以清肝火導濕熱諸證漸愈後因勞倦忽然寒熱此元氣復傷也用補中益氣湯而安又用六味丸生肝血滋腎水而全愈 州守姜節甫患前證膿水淋漓作渴吐痰午前惡寒午後發熱余曰午前惡寒屬陽氣虛弱午後發熱屬陰血不足不

信反服二陳黃檗知母之類飲食益少大便不實又日
晡熱渴小腹重墜患處焮痛恪用四物黃檗知母之類
飲食亦不思余以脾氣虛而下陷先用補中益氣湯調
養脾胃以升陽氣諸證漸愈又用六味丸滋補腎水以
生肝血而痊 一小兒十五歲患前證雜用消毒之藥
虛證悉具二年餘矣詢之乃稟所致用萆薢湯月餘諸
證漸愈又用補陰八珍補中益氣二湯而痊 一儒者
莖中作痒發熱倦怠外皮浮腫二年矣用八珍加柴胡

山梔及六味地黃丸而愈有兼陰毛間生蟲作痒者用
桃仁研爛塗之 一儒者因勞而患熾痛寒熱體倦頭
疼小便赤澀用補中益氣湯加車前牛膝山梔而愈

一儒者陰莖腐爛腫痛不止日晡熱甚口乾體倦食少
欲嘔此肝脾血虛也先用六君子加柴胡升麻脾胃醒
而諸證退更以補中益氣加炒山梔肝火退而腫痛痊

子和泄水丸

一名大
智丸

大戟 芫花 甘遂 海帶洗 海藻洗 郁李仁

續隨子

各半

樟柳根

一兩

右為細末水煮棗肉為丸如小豆大每服五七十丸

熟水下

按此藥太峻用者慎之

治下疳瘡先用張子和泄水去根後用此藥乾上

黃連

滑石

各半兩

定粉

三錢

輕粉

少許

乳香

一錢

蜜陀僧

二錢

右細末乾上或加乾胭脂或加木香檳榔

大蘆薈丸

一名九味蘆薈丸

治肝火下疳潰爛或作痛焮腫

或治小兒疳膨食積口鼻生瘡牙齦蝕爛等症并蟲蝕肛門痒痛

胡黃連 蘆薈 黃連 木香 白蕪荑 青皮

白雷丸 鵝蟲草

各一錢 兩 麝香

為末蒸餅糊丸桐子大每服一錢空心米飲下
八正散 治下疳便毒小便淋漓脈證俱實者

大黃 車前子 瞿麥 萹蓄 山梔 木通

各二錢

錢 滑石 甘草

二錢 一錢 兩

右水煎服

洗毒湯 治陰蝕瘡

苦參 防風 露蜂房 甘草

炙各等分

右咬咀水煎濃汁洗瘡

金銀花散 治下疳瘡

金銀花 荊芥 朴硝 蛇床子 甘松 白芷

檳榔

各一兩

右咬咀每用五錢水五碗加蔥白三根同煎數沸盆

盛水先熏後洗却上藥

洗藥

黃連 黃檗 當歸 白芷 獨活 防風 朴

硝 荆芥

各等分

八錢五十文烏梅五箇鹽一匙入水同煎溫洗日五

七次敷下項藥

敷藥

木香 檳榔 黃連 銅青 輕粉 枯礬 海

螻蛄

麝香

各等分

右研細末洗後至夜敷上

千金治丈夫陰頭癰師所不能醫用鼈甲一枚燒末以

雞子白和傅良

丹下疳瘡

蛤粉

臘茶

苦參

青黛

蜜陀僧

右用河水洗瘡淨臘豬脂調敷并治膝瘡

又方

青黛 海蛤 蜜陀僧 黃連

共為末敷上

治一切熱毒惡瘡及下疳瘡用蜜陀僧黃檗各一分半

膩粉一錢麝香少許先洗瘡拭乾傅之甚者三四次

治下疳瘡雄黃黃連等分為末濕者乾摻乾者油調傅

先用荊芥射干煎湯洗却敷之妙 一方用地骨皮

末傅之神効

追膿錠子

海藏

膿內潰不出此藥追之

雄黃

二錢

巴豆

一錢半

輕粉

一字

外臺秘要云陰頭瘡蜜煎甘草傅之安

又方用頭髮用鹽水洗去垢膩淨再用米泔洗過又用

清湯洗曬乾燒灰傅瘡上便結靨

又方 蒼耳葉為末傅之

治下疳瘡黑彤兔

一名烏吊上
一名孩兒沙

為末傅上神効

七寶檳榔散 治下元玉莖上或陰頭上有疳瘡漸至

蝕透久不愈者

檳榔 雄黃 輕粉 蜜陀僧 黃連 黃檗

朴硝

右為細末和勻先以蔥白漿水洗淨軟帛挹乾如瘡濕乾摻如乾小油調塗

玉粉散 治下陰瘡疼不止

滑石 蜜陀僧 寒水石 膩粉 麝香

煨各半兩

各少許

右為細末油調傅或乾貼患處

蚯蚓散 治陰莖瘡

蚯蚓 二豆粉 一分

右用水研塗上乾又傳之一方用豉一分

丹胞散 治玉莖上生瘡臭爛者

右用豬胞一個連尿去一半留一半用新磚兩口炭火煨將豬胞連尿於磚上焙乾不住手一向移放於兩口磚上輪流不歇莫與火煨著胞待尿乾為度研為末入黃丹一錢先用葱湯以鵝毛抹洗以舊帛拭乾此藥搽二五次立見効

地連散 治玉莖上生瘡

右用地骨皮煎湯洗以訶子連核燒存性為末乾摻

川連散 治下部注瘡

右以川連為細末漿水調成餅攤於碗面上內用艾
及穿山甲三片燒烟覆碗熏成黑色再取下如是者
五次以黃連餅黑色為度地上出烟毒再研細濕則
乾塗乾則清油調塗三四次先用黃檗藿香茵陳煎
湯溫洗

神妙方 治莖頭三五孔小漏瘡出血微膿

右用油髮燒作灰存性研細傳之乾則津唾調傳仍以米飲調髮灰食前服

麝香散 治妬精瘡痒而濕者

麝香 黃礬 青礬

各等分

右為細末小便後用少許傳之

治陰濕生瘡黃水流注

用白礬

不少

右研為末以冷水洗瘡淨後傳之

津調散 治妬精瘡膿汁淋漓臭爛

黃連

欵冬花

各等分

麝香

少許一方不用

右為細末先以地骨皮蛇床子煎湯洗軟帛拭乾津調傳之忌生湯洗

胭脂散 治陰瘡

坏子胭脂 真菜豆粉

各等分

右同研勻傳之

蝦蟇散 治陰濕欲盡瘡痛甚者

蝦蟇

一枚
燒灰

兔糞

一兩

右同研末每用少許傅瘡上日三四次

除疔散 治年深疔癰瘡大効

白芨

白蘇

黃丹

蜜陀僧

各一兩

黃連

半兩
輕粉

一錢冰片

麝香

各半錢

右為細末和勻每用或摻或經瘡中以膏藥貼之

甘石散 治下部瘡瘡

爐甘石

蜜陀僧

各一錢半

輕粉

一分

橡斗子

燒灰存性三錢

龍

骨

半錢

麝香

少許

右為細末先用荊芥杜仲川椒煎湯放溫洗罷次用藥些少乾貼

梔子散 治下疳瘡

右用梔子一枚去穰入明礬末麵糊封合口火燒存性為末乾摻上隨効

銀粉散 治下疳陰頭生瘡

右用牆上白螺蛸殼不以多少火內煨酥為末水內

飛過先去土石麤者次用輕粉隨分兩入在末內每以少許乾貼在瘡上

治下疳瘡

右以孩兒茶研為細末先洗瘡淨乾則小油調傅濕則乾摻之神効

博金散 治下疳瘡臭爛腫痛

白礬

與蜜陀僧同為末相和入於沙鍋內火上炮汗盡

蜜陀僧

已上各伍錢

白

堊

二錢

黃丹

輕粉

已上各一錢

乳香

五錢 麝香

一字

右為細末先須另用槐枝蔥白鹽甘草熬湯淋溺洗
一二時挹乾摻上項藥每用藥先須洗溺然後摻藥
甚者二五次瘥

勝金散 治下疳潰爛或疼痛

黃連 黃檗 輕粉 銀硃 孩兒茶 冰片

各五分

一分

為細末香油調搽內服加味瀉肝湯

治下疳瘡久不愈搽斗子二個各盛黃丹令滿相合以

亂髮纏定燒烟盡為度同研為末先以蔥白熱漿水洗瘡膿盡次上藥甚者不過三次如神

療人陰生瘡膿出成坎取高昌白礬麻仁等分研煉豬脂相和成膏槐白皮煎湯洗瘡拭乾即塗膏然後以楸葉貼其上不過三五度瘡

下疳瘡用五倍子末傅之

婦人隱瘡

運氣陰瘡皆屬寒經云太陽之勝隱中乃瘍隱曲不利

治以苦熱是也

仲景云少陰脈滑而數者陰中即生瘡陰中蝕爛者狼牙湯洗之用狼牙二兩以水四升煮取半升以綿纏筋如繭浸湯漚陰中日三遍

洗溺散

大

治陰蝕瘡

甘草

乾漆

各一兩

黃芩

當歸

地黃

芍藥

各二

兩 龜甲

五兩

右細切以水七升煮取一半去渣以綿帛納湯中用

漏瘡處良久即易日二度每漏湯可走十里許即挹
乾捻取甘濕散薄傅瘡上使徧可經半日又以湯漏
漏訖如前傅藥

甘濕散

蚬蛇膽

真者

青木香

石硫黃

鐵精

麝香

各四分臨

時入用緣麝辟蛇毒
若先相和膽即無力

右各等分為末更研細有患取如三菰子大和井花
水日再服訖先令便利了即以後方桃枝先熏下部

訖然後取藥如碁子安竹管裏內下部中日再度老
少量減其熏法每日一度不用再

桃枝薰法 取東南桃枝五七枚輕打頭使散以綿纏
之又搗石硫黃為末將此綿纏桃枝撚轉之令末少
厚又截一竹筒先內下部中仍以所撚藥桃枝燒著
薰之

蛇床子散 濕陰中主藥

用蛇床子仁一味末之以白粉少許和令相得如棗

大綿裏內之自然濕散

補遺治陰瘡搗新桃葉綿裏內陰中日三兩易

餘詳女科前陰諸疾

穿襠發 銳疽 涌泉疽

或問背之下極發疽何如曰此名穿襠發屬督脈及太陽經由勞傷憂思積鬱所致活命飲加羌活黃檗內托羌活湯主之及勝金丹神仙追毒丸壯實者八陣散一粒金丹下之老弱者十全大補湯人參養榮湯此證宜速

治稍緩則潰爛難收斂成漏者多麻木黑陷泄瀉嘔噦
疲倦者不治

靈樞曰發於尻名曰銳疽其狀赤堅大急治之不治三
十日死矣

鬼遺云涌泉疽腫起發太陰

太陰尻尾
前是也

如伏鼠二十日

不穴死十日可刺發清膿赤黑者死白者可治

腎癰

或問腎上生癰何如曰腫高根淺為癰腫平根深為疽

俱屬足太陽經濕熱所致宜服內托羌活湯內托復煎散加羌活主之勝金丹黃芪木香散選用壯實者一粒金丹八陣散下之老弱者十全大補湯人參養榮湯先賢云此瘡當服補養之劑若無補養之功其禍多在結痂之後治之難愈切須戒謹勿輟大補之劑腫而不潰者服臺閣紫微丸 薛醫胸臆經部分也居小腹之後此陰中之陰其道遠其位僻雖太陽多血氣運難及血亦罕到中年後尤慮此患治者毋傷脾胃毋損血氣但

當固根本為主若腫硬作痛之形氣虛而邪氣實也用
托裏消毒散主之微腫微痛者形氣病氣俱虛也用托
裏散補之欲作膿用托裏羌活湯若痛甚用仙方活命
飲大勢既退亦用托裏消毒散若脾虛不能消散或不
潰不斂者六君加芩歸黃芪若陰虛不能消散或作渴
便淋者六味九加五味子陽虛不能潰或膿清不能斂
者補中益氣湯氣血俱虛者十全大補湯若腫硬未成
膿者隔蒜灸活命飲潰後豆豉餅補中益氣十全大補

二湯若灸後大勢已退餘毒未消頻用蔥熨以補益消
餘毒乃善 巡撫陳和峰脾胃不健服消導之劑左腿
股及臀患腫余曰此脾氣虛而下注非瘡毒也當用補
中益氣倍加白朮彼惑於衆論云白朮能潰膿乃專以
散腫消毒為主而腫益甚體益倦余用白朮一味煎飲
而消 儒者楊啟元左腎患此數貼涼藥腫徹內股服
連翹消毒散左體皆痛余以為足三陰虧損用補中益
氣湯以補脾肺六味丸加五味子以補肝腎股內消而

腎間潰又用十全大補湯而瘡口斂 一儒者腫焮痛甚此邪毒壅滯用活命飲隔蒜灸而消後因飲食勞倦腫痛仍作寒熱頭疼此元氣虛而未能復也與補中益氣湯頻用蔥熨法兩月而愈 一男子漫腫而色不變脈滑數而無力膿將成矣念用托裏而欲針彼畏針而欲內消誤用攻伐之劑頻加惡寒發熱自汗等證余用十全大補湯數劑腫起色赤仍外針內補而愈 吳輔之父患此內潰腫脹發熱口乾飲食少思此脾胃虛弱

也先用六君加芎歸芪數劑而潰又用十全大補湯倍加參芪五十餘劑而愈 一人年三十脈如屋漏雀啄腫硬色天膿水清稀誤服敗毒之藥余曰此足三陰虧損而藥復傷也余用六君加歸芪附子一錢二劑腫潰色赤又減附子五分數劑元氣復而瘡愈 一男子硬痛發熱此胸膈氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘劑而斂 一上舍患痔外敷寒涼內服消毒攻潰於腎

膿水清稀脈洪大而數寒熱作渴余辭不治果歿此足
三陰虧損之證失滋化源以致真氣益虛邪氣愈甚矣

不死何侯

內托羌活湯

治尻腎生癰硬堅腫痛大作

羌活

黃檗

酒製各二錢

防風

當歸身 藁本

連

剋

蒼朮

陳皮

甘草

炙各一錢

肉桂

三分

黃芪

一錢半

右作一服水一鍾酒半鍾煎至八分食前服

證治準繩卷一百十一

欽定四庫全書

子部

證治準繩卷一百十二

詳校官太醫院醫士

臣舒岱

編修臣倉聖脈覆勘

總校官進士

臣

朱鈐

校對官典簿

臣

郭祚熾

謄錄監生

臣

饒文洲

欽定四庫全書

證治準繩卷一百一十二

外科

下部

懸癰

懸癰生於篡間謂前陰之後後陰之前屏翳處也即會陰穴屬任脉別絡俠督脉衝脉之會癰生其間入起立

明 王肯堂 撰

則若懸然故名懸癰屬足三陰虧損之證輕則為漏瀝
盡氣血而亡重則內潰而即隕若初起濕熱壅滯未成
膿而作痛或小便澀滯用龍膽瀉肝湯腫焮痛甚仙方
活命飲並以製甘草佐之如此雖患亦輕雖潰亦淺若
不能成膿或膿成不潰者八珍散補之若膿已成者急
針之欲其生肌收斂腎虛者六味地黃丸血虛者四物
加參朮氣虛者四君加芎歸脾虛者補中益氣湯氣血
俱虛者八珍湯并十全大補湯若用寒涼消毒則誤矣

薛懸癰原係肝腎二經陰虛雖一於補猶恐不治况
膿成而又尅伐不死何待常治初起腫痛或小便赤澁
先以製甘草一二劑及蒜灸更飲龍膽瀉肝湯若發熱
腫痛者以小柴胡加車前黃蘗芎歸膿已成即針之已
潰用八珍湯加製甘草柴胡稍酒炒黃蘗知母小便澁
而脉有力者仍用龍膽瀉肝湯加製甘草小便澁而脉
無力者用清心蓮子飲加製甘草膿清不飲者用大補
劑間以豆豉餅或久而不飲者亦用附子餅灸並効

尚寶鮑希傳足發熱服四物黃檗知母之類年餘患懸
癰唾痰作渴飲湯其熱至膝更加芩連二陳熱痰益甚
謂余曰何也余曰此足三陰虧損水泛為痰寒涼之劑
傷胃而甚耳遂先用補中益氣夕用六味丸間佐以當
歸補血湯半載乃愈 趙州守患此證腫多作痛五月
餘矣晡熱口乾盜汗食少體倦氣短脉浮數而無力此
足三陰氣血虧損用補中益氣加製甘草五味麥門三
十餘劑食進勢緩又用六味丸料五十餘劑膿潰瘡斂

後因怒作痛少食脇痛發熱仍用前藥賴其稟實慎疾而愈 通府張敬之患前證久不愈日晡熱甚作渴煩喘或用四物湯黃檗知母之類前症益甚更體倦少食大便不實小便頻數謂余曰何也余曰此脾虛之症前藥復傷而然也遂用補中益氣加茯苓半夏數劑飲食漸進諸症漸愈更加麥門五味調理乃痊經云脾屬至陰為陰土而主生血故東垣先生云脾虛元氣下陷發熱煩渴肢體倦怠等證用補中益氣湯以升補陽氣而

生陰血若誤認為陰虛輒用四物黃蘗知母之類反傷脾胃生氣是虛其虛矣況黃蘗知母乃瀉陽損陰之劑若非膀胱陽火盛而不能生陰水以致發熱者不可用也 一儒者患此服坎離丸及四物黃蘗知母之類不應脉浮洪按之微細余以為足三陰虛用托裏散及補陰托裏散漸愈又用六味丸補中益氣湯調補化源半載而痊大凡瘡瘍等症若腎經陽氣亢盛致陰水不能化生而患陰虛發熱者宜用坎離丸取其苦寒能瀉水

中之火令陽氣衰而水自生若陽氣衰弱致陰水不能
化生而患陰虛發熱者宜用六味丸取其酸溫能生火
中之水使陽氣旺則陰自生況此證屬腎經精氣虧損
而患者十有八九屬腎經陽氣亢盛而患者十無一二
然江南之人患之多屬脾經陰血虧損元氣下陷須用
補中益氣湯升陽補氣使陽生而陰長若嗜慾過多虧
損真水者宜用六味丸補腎經元氣以生精血仍用補
中益氣湯以培脾肺之生氣而滋腎水經云陰虛者脾

虛也但多誤以為腎經火症用黃檗知母之類復傷脾肺絕其化源反致不起惜哉 上舍劉克新潰後作痛發熱口乾小便赤澀自用清熱消毒之藥不應尺脉洪數余以為陽氣盛而陰氣虛也先用四物湯加黃檗知母等諸劑瀉其陽氣使陰自生服數劑諸證漸愈後用補中益氣湯六味地黃丸補脾肺滋腎水而瘡口愈一儒者小便赤澀勞則足軟腫痛發熱口乾舌燥食少體倦日晡益甚此氣血虛而未能潰也遂用八珍加麥

門山藥倍用製甘草數劑諸證悉退但患處腫痛此膿
內焮也又五劑膿自涌出又五十餘劑而瘡口將完又
因勞役且停藥寒熱作渴腫痛膿多用補中益氣湯加
炒山梔二劑少愈又以八珍湯加麥門五味百餘劑腫
痛悉去喜其慎起居節飲食常服補劑而安但勞則出
膿一二滴後惑於他言內用降火外用追蝕必其收斂
致患處大潰幾至不起仍補而愈

甘草膏 治水穀道前後生癰謂之懸癰乃肛門前陰

囊後生核子如椒欖樣或如梅李狀初不作痛至旬月漸熱不早治瘡潰膿血出日數盈至有腸腐而大便從瘡口出者其苦不可言近亦數月遠至一二年亦愈須是作核未痛以前治之不過一二服便自消此病初發如松子大漸如蓮子數十日後始覺赤腫如桃李即破若破則難治服此藥雖不能急消過二十餘日必消盡矣投兩服亦無害林院判康朝嘗患此疾已破服此藥兩服瘡即合甚妙 右用粉草半

斤內用無節者四兩如算子樣劈破取泉石間長流水以甘草入水中浸透以炭火將甘草醺水焙炙以一盃水盡為度不可急性劈開却將所炙甘草另用泉水三盞無灰好酒五盞用瓦礮煎至三之一如膏一起服之立愈另用有節甘草四兩仍用泉水隨礮大小煎湯澆洗患處三遍其効如神水冷再溫洗丹騎馬癰用大粉草帶節四兩長流水一盃以焮浸水盡為末入皂角灰少許作四服湯調頓服立効

薛大抵此證屬陰虛故不足之人多患之寒涼之劑
不可過用恐傷胃氣惟製甘草一藥不損氣血不動
臟腑其功甚捷

加味小柴胡湯

方見前

清心蓮子飲 治懸癰勢退惟小便赤澀

黃芩

五錢

黃芪

蜜炙

石蓮肉

去心

人參

赤茯苓

各七錢半

車前

子炒麥門冬

去心

甘草

炙

地骨皮

製甘草

法見前

每服一兩用水二鍾煎至八分食前服 如發熱

加柴胡薄荷

加味托裏散 治懸癰不消不潰

人參

黃芪

鹽水拌炒

當歸

酒炒

川芎

麥門冬

去心

知母

酒拌

炒黃礬

酒拌炒

芍藥

炒

金銀花

柴胡

製甘草

法見前

各一錢

右作一劑用水二鍾煎八分食前服

加味十全大補湯 治懸癰潰而不斂或發熱飲食少思

人參

黃芪

鹽水拌炒

白朮

炒

茯苓

熟地黃

酒拌

中

當

歸

酒拌

川芎

芍藥

炒各一錢

肉桂

麥門冬

去心

五味子

搗甘草炒各伍分

右作一劑用水二鍾煎一鍾食前服 莖腫加青皮

熱加黃芩柴胡 日晡熱加柴胡地骨皮 小便

赤加酒製知母黃蘗 小便澁加車前子山梔子俱

炒

雞內金散 治穀道邊生瘡久不愈者

雞胗脰

不拘多少即是雞胗內去下黃皮

上件燒灰存性研為極細末每用少許乾貼之如神

治穀道中瘡

以水中荇葉細搗綿裹內下部日三

治肛内生癰腫痛方

血餘

帶血管鵝毛

生鹿角

已上各藥俱煨存性研細等分和勻每服五錢空心

好酒下

股部

十五

股陰疽

與附骨疽參看

靈樞云發於股陰名曰赤施不急治六十日死在兩股

之內不治十日死 鬼遺云陰疽發腿髀及陰股始發腰強數飲不能多七日發堅腫脹惡疼心煩躁死不治或問大股之內陰囊之側生毒何如曰在左為上馬癰在右名下馬癰在肚門傍名肚門癰俱屬足太陽經濕熱七情不和憂憤所致宜服內補黃芪湯內托羌活湯十全大補湯選用勝金丹紫金丹壯實者一粒金丹八陣散下之嘔吐不食麻木黑陷膨脹六脉微或代冷汗不止煩躁狂妄小水不利泄瀉者不治未潰之先宜服

臺閣紫微丸

按足三陽之脉在外皆曰髀足三陰之

脉在內皆曰股今曰大腿之內陰囊之側則屬二陰經而厥陰為多明矣乃以為足太陽不亦謬乎 一人腿

內側患癰未作膿而腫痛以內托黃芪柴胡湯二劑稍愈又二劑而消 一人腿內患癰漫腫作痛四肢厥咽

嚙塞發寒熱諸治不應乃邪鬱經絡而然也用五香連

翹湯一劑諸證少退又服大便秘行二次諸證悉退而愈

一人年二十餘股內患毒日久欲求內消診脉滑數

知膿已成因氣血虛不潰刺之膿出作痛用八珍湯稍可但膿水清稀用十全大補湯三十餘劑而痊蓋膿出反痛者虛也 一僧股內患腫一塊不痛不潰治托裏二十餘劑膿成刺之作痛予謂腫而潰潰而反痛此氣血虛甚也宜峻補之彼云氣無補法予曰正氣不足不可不補補之則氣化而痛自除遂以參芪歸朮熟芩治之兩月餘而平 大抵瘡瘍先發為腫氣血鬱積蒸內為膿故多痛膿潰之後腫潰肌寬痛必漸減而痛愈盛

者氣血不足也即丹溪河間虛甚之說

股陽疽

靈樞云發於股陽名曰股陽疽其狀不甚變色癰腫內薄於骨不急治三十日死矣

或問腿外側胫下五六寸生疽何如曰此名伏兔發寒熱大作疼痛徹心焮腫無頭是也屬足陽明胃經先賢謂不治之證早覺早治為上急隔蒜灸灸而炮起者可治無炮者難治服活命飲加牛膝木瓜漢防已紫金丹

勝金丹汗之壯實者八陣散一粒金丹下之 一人股
外側患癰漫腫大痛以內托黃芪湯酒煎二劑少可更
以托裏數劑潰之而愈 一人年踰二十稟弱左腿外
側患毒三月方潰膿水清稀肌肉不生以十全大補湯
加牛膝二十餘劑漸愈更以豆豉餅灸月餘而痊 一
婦腿癰久而不愈瘡口紫陷膿水清稀予以為虛彼不
信乃服攻毒之劑虛證蜂起復求治灸以附子餅服十
全大補湯百餘貼而愈 一人腿癰內潰針之膿出四

五椀許惡寒畏食脉診如絲此陽氣微也以四君子加
炮附子畏寒少止又四劑而止以六君子加桂數劑飲
食頗進乃以十全大補及灸附子餅兩月愈 一老腿
癰膿自潰忽發昏瞢脉細而微此氣血虛極也以大補
之劑而甦 一人腿癰兼筋攣痛脉弦緊用五積散加
黃檗柴胡蒼朮而痊 一婦左腿痛不能伸脉弦緊按
則濡以五積散二劑痛少止又二劑而止以神應養真
而愈

脉弦緊濡屬寒故用
五積散辛熱以散之

一人右腿赤腫焮痛脉沉

數用當歸拈痛湯四肢反痛乃濕毒壅遏又況下部藥力難達非藥不對證遂砭患處去毒血仍用前藥一劑頓減又四劑而消 一人年踰五十冬患腿癰脉數煩躁飲冷便秘腫痛焮甚此熱淫于內也宜用苦寒之藥投清涼飲倍加黃芩其勢頓退更以四物湯加黃芩而愈 一人年三十連得憂患作勞好色左腿外側廉紅腫如栗醫以大府實與承氣兩貼下之又一醫與大黃朱砂血竭三貼而脉大實後果死此厥陰多氣少血經

也 一人腿癰膿成針之出膿二椀許飲托裏藥一劑
大發熱更用聖愈湯二劑而止翌日惡寒不食脉細如
絲以人參一兩熟附三片薑棗煎服而愈但食少不寐
更以內補黃芪湯而平 一人腿腫發熱惡寒以補中
益氣湯治之彼以為緩乃服芩連等藥熱愈盛復請予
治以人參養榮湯二十餘劑而潰更以參芪歸朮炙甘
草肉桂月餘而飲 一人年踰三十左腿微腫痛日久
肉色如故不思飲食東垣云瘡瘍腫下而堅者發于筋

骨此附骨疽也乃真氣虛濕氣襲于肉理而然蓋諸虛皆稟于胃食少則胃弱法當助胃壯氣以六君加藿香當歸數劑飲食漸進更以十全大補湯而愈 一人遍身走痛兩月後在脚面結腫未幾腿股又患一塊脉輕診則浮重診浮緩此氣血不足腠理不密寒邪襲虛而然以加減小續命湯四劑及獨活寄生湯數劑疼痛頓去更以托裏藥倍加參芪歸朮百貼而愈 南司馬王荆山腿腫作痛寒熱發渴飲食如常脉洪數而有力此

足三陽經濕熱壅滯用檳蘇敗毒散一劑而寒熱止再劑而腫痛消更用逍遙散而元氣復兩月後因怒腫痛如錐赤暈散漫用活命飲二劑而痛緩又用八珍湯加柴胡山梔丹皮而痛止復因勞役倦怠嬾食腿重頭暈此脾胃氣虛而不能升舉也用補中益氣湯加蔓荊子而安 一儒者兩腿腫痛肉色不變惡寒發熱飲食少思肢體倦怠此脾氣不足濕痰下注也以補中益氣加半夏茯苓芍藥二劑寒熱退而腫痛消又十餘劑脾胃

壯而形體健 一男子患此入房兩腿硬腫二便不通
余謂腎開竅於二陰乃肝腎虧損也用六味丸料加車
前子牛膝而二便利用補中益氣湯而腫硬消喜其年
少得生 一上舍內痛如錐肉色如故面黃嬾食痛甚
作嘔此痛傷胃也用六君子以壯其脾胃用十全大補
以助其膿而針之更用前湯倍加參芪芎歸麥門五味
遠志貝母而瘡斂 一男子因負重飲食失節胸間作
痛誤認為瘡毒服大黃等藥右腿股腫肉色如常頭痛

惡寒喘渴發熱脉洪大而無力此勞傷元氣藥損胃氣
而然耳用補中益氣湯四劑又用十全大補湯數劑喜
其年少而愈

附骨疽

丹溪云環跳穴痛防生附骨疽以蒼朮佐黃蘗之辛行
以青皮冬加桂枝夏加黃芩體虛加杜牛膝以生甘草
為使大料煎入生薑汁食前飲之痛甚者恐十數貼發
不動少加麻黃一二貼又不動恐疽將成急搥地成坎

以火煨紅沃以小便赤體坐其中以席圍下體使熱氣薰蒸腠理開氣血暢而愈 或問附骨疽何以別之曰凡患流注表未盡則餘毒附骨而為疽在股外屬足太陽陽明經在股內屬足厥陰足少陰經又云風濕折熱熱結而附骨成疽蓋骨者腎之餘腎虛則骨冷而遂附着於骨也骨冷則氣愈滯而血愈積但能為腫不能為膿流注者傷寒之餘毒骨疽者流注之壞證也流注非傷寒之罪乃醫者表之未盡也骨疽非流注之過乃庸

醫涼藥之誤也又云久得厚味及醉後涉水或履冰霜
雪寒入髀樞積痰瘀血相搏而成疽初時暫痛無時乍
寒乍熱而無汗久則痛深入骨而不移處按之痛不止
者是也初覺即隔蒜灸之以多為上宜勝金丹烏金散
汗之壯實者一粒金丹下之或八陣散久則極陰生陽
寒化為熱肉腐而成膿膿成則宜烙十全大補湯加牛
膝木瓜補之有久潰毒結留連展轉經歲不已腐出朽
骨者骨雖出而不愈有終身之咎視其白膿清稀者碎

骨初脫肉深難取膿白而稠者碎骨將出肉淺可取大抵久腐出骨不論強弱老幼必須補益使氣血和暢正氣漸復邪氣漸退自然收斂十全大補湯人參養榮湯在所當用未成膿者以冲和膏貼之蓋有獨活能動盪氣血也已潰者宜服何首烏散此藥能調和陰陽也

薛附骨疽有因露卧風寒深襲於骨者有因形氣損傷不能起發者有因剋伐之劑虧損元氣不能發出者有因外敷寒藥血凝結於內者凡此皆宜灸熨患處解散

毒氣補接陽氣溫補脾胃為主若飲食如常先用仙方
活命飲解毒散鬱隨用六君子湯補托榮氣若體倦食
少但用前湯培養諸臟使邪不得勝正若膿已成即針
之使毒不得內侵帶生用針亦無妨如火針亦不痛
且使易斂其隔蒜灸能解毒行氣熨法能助陽氣行
壅滯此雖不見於方書余常用之大効其功不能盡述
唯氣血虛脫者不應 一女髀樞穴生附骨疽在外側
廉少陽經分始末用五香湯十宣散一日惡寒發熱隔

滿猶大服五香湯一夕喘死此升散太過孤陽發熱于上也 一人年踰四十夏患附骨癰予以火針刺去瘀血更服托裏藥而愈至秋忽不飲食痰氣壅盛勞則口舌生瘡服寒藥腹痛彼疑為瘡脾胃脉輕取似大按之無力此真氣不足虛火炎上也治以八味丸彼不信自服二陳四物湯幾殆復請予仍以前丸治之而愈 一人附骨癰畏針不開醫膝通潰脉數發渴煩燥時嗽飲食少思齊氏曰瘡瘍煩躁時嗽腹痛渴甚或泄利無度

或小便如淋此惡證也膿出之後若脉洪數難治微瀉
遲緩易治刺之膿出四五梳即服參芪歸朮大劑翌日
脉稍歛更服八珍湯加五味子麥門肉桂白欬三十餘
貼脉緩膿稠三月乃愈 一老腿患附骨疽腫硬大按
方痛口乾脉弱腫聚不潰飲食少思予謂腫下而堅者
發於筋骨肉色不變者發於骨髓遂托以參芪等藥三
十餘劑膿雖熟不穿予謂藥力難達必須針刺不聽至
旬日方刺涌出清膿五六碗然衰老氣血不足養毒又

久竟不救 大抵瘡疽旬日不退宜托之有膿刺之有腐肉取之虛則補之此十全之功也 一人患貼骨疽腿細短軟瘡口不合以十全大補湯外灸附子餅貼補藥膏調護得宜百貼而愈 一人環跳穴患附骨疽彼謂小瘡服敗毒藥外以寒藥敷貼因痛極針之膿瘀大泄方知為癰請治其脉右關浮大此胃氣已傷故瘡口開張肉紫下陷捫之不熱彼謂瘡內更覺微冷自謂必成漏矣灸以豆豉餅飲六君子加藿香砂仁炮薑數劑

胃氣漸醒飲食漸進患處漸暖肌肉漸生更以十全大補湯而愈 一人亦患此內痛如錐外色不變勢不可消喜其未用寒劑祇因痛傷胃氣而不思食以前藥去炮薑治之飲食稍進更以十全大補湯二十餘劑膿成針去仍以大補湯倍加參芪芎歸膿久不止更加麥門五味貝母遠志數服漸止瘡亦尋愈 二證蓋因濕熱滯于肉理真氣不能運化其始宜除濕熱實脾土和氣血則濕自消散若膿未成以隔蒜灸之立効 一婦四

十餘近環跳生疽尺脉沉緊腿不能伸經曰脾移寒於肝癰腫筋攣蓋脾主肉肝主筋肉溫則筋舒肉冷則筋急遂與乳香定痛丸少愈更以助胃壯氣血藥二十餘劑而消 一人因痢驟澁環跳穴作痛與四物湯加桃仁酒黃芩紅花蒼朮枳殼黃蘗柴胡青皮生薑十餘劑稍可更刺委中出黑血而愈 一後生散骨痛以風藥飲酒一年予以防風通聖散去硝黃加生犀角浮萍百餘貼成一疽近皮革膿出而愈後五六年其處再痛予

曰舊病作無能為矣蓋發於新娶之後多得香辣肉味若能茹淡遠房勞猶可生也出膿血四五年延及腰背皆空又三年而死此純乎病熱者 一少年天寒極勞

散骨痛兩月後生疽深入骨邊卧二年取剝骨而安此

寒搏熱者也

取久疽及痔漏中朽骨用烏骨雞脰骨以純實之鹽泥固濟火煨紅地土出火毒去

泥用骨研細飯丸如粟米大以紙撚送入竅內更以膏貼之

萬厯乙亥余方閉闕

作舉子業適姻家虞懋菴股內側痛久矣醫作痛風治月餘不効膿熟肉厚不得穿穴出因潰入腹精神昏憤

粥藥不入醫不能措手請教於余余特破例為診之脉
細如蛛絲氣息奄奄欲絕曰無傷也可以鉞針刺其腹
臞大泄數升然皆清如水瘡口若蠅吐沫醫疑其透膜
不可治余曰無傷也可以參芪附子加厥陰引經藥大
劑飲之為製八味丸食前輒吞百丸食大進日噉飯升
餘肉數臠旬日而平所以知可治者潰瘍之脉洪實者
死微細者生今脉微細形病相合知其受補故云可治
也所以刺其腹者臞不洩必有內攻之患且按之而知

其創深即刺之無苦也所以信其不透膜即透膜無損者無惡候也所以服八味丸者八味丸補腎腎氣旺而上升則胃口開而納食故食大進也淺膿既多刀圭之藥其何能濟遷延遲久且變生故進開胃之藥使多食梁肉以補之肌乃速生此治潰瘍之大法也

內服黃狗下頰方 治肚癰少腹癰及腿上貼骨癰神効又云可治發背大抵此方治下部癰疽妙

用黃狗下頰連舌連皮毛劈下入礮鹽泥封固鐵蓋

蓋口煨一炷香覺烟清即止務宜存性不可過過則無用矣視其骨灰正黑色者為妙若帶白色其性已

過勿用

用時研極細

白欬末

豌豆粉

俗名水寒豆又名小寒豆生用

右三味等分以各五錢為率酒調空腹服外又以三

味等分為數藥香油調傳患處其驗以服藥後出臭

汗及熟睡為準史鶴亭太史親見顧天宇室人驗過

宜於屠家取已殺者製以備用若生取特殺反招不祥

按此方世多用之萬

氏家抄亦已收載然但知其可為數藥散腫止痛而

不知其可以內服為下部癰疽內消之聖藥也予有
轎夫環跳冗痛甚如雞啄火灼適製有藥以酒調三
錢飲之未瘉更進一服霍然如失明日舁轎如故了
無苦矣

三生散 治諸瘡大痛不辨肉色漫腫光色名附骨癰
如神

露蜂房 蛇退 頭髮

洗淨各等分

右同燒灰存性研細酒下三錢

內托黃芪柴胡湯 治附骨癰

黃芪

錢二

柴胡

土瓜根

酒洗各一錢

羌活

半錢

連翹

一錢三分

官

桂 黃蘗

生地黃

各二分

當歸

七分半

為咬咀作一

服水三盞酒一盞同煎至一盞去滓熱服宿食消盡
服一服而愈昔賈德甫男年十歲丁未四月十一日
於左腿近膝股內出附骨癰不辨肉色漫腫皮澤木
硬瘡勢甚大其左脚乃肝之脾土也更在足厥陰肝
經之分少侵足太陰脾經之分其脉左三部細而弦

按之緩而微有力為製此方主治一方無黃礬

內托黃芪酒煎湯

黃芪

當歸尾

各二錢

柴胡

一錢半

升麻

七分連翹

肉桂

黍粘子

炒各一錢

黃礬

炙甘草

各半錢

右吹咀好糯米酒一盞半水一大盞半同煎至一大盞

去滓空心宿食消盡溫服待少時早膳壓之使不令大熱上攻中上二焦也丁未季春蒲度主老年七十因寒濕地氣得附骨疽于左腿外側足少陽膽經之分

微侵足陽明分濶六七寸長一尺堅硬漫腫不辨肉色
皮澤深但行步作痛以指按至骨大痛與藥一服立
止再服堅硬腫消

當歸散 治附骨癰及一切惡瘡

當歸半兩 甘草一兩 山梔子十二枚 木鼈子一枚
去殼

右研為細末每服三錢冷酒調服

漏蘆湯 治附骨疽

漏蘆去蘆 升麻 連翹 麻黃去根節 防己 木香
各一兩

白斂

沉香

各半兩

大黃

剉炒一兩半

右剉碎每服五錢水一盞半入竹葉七片煎七分入芒硝一錢攪勻去滓空心溫服取利三二行未到再服

應痛丸 治走注疼痛疑是附骨疽者

蒼朮

去皮當歸

黑牽牛

草烏頭

炮各二兩

右研為細末醋糊為丸如小豆大每服三十九醋湯下
貫衆湯 治附骨癰生股上伏肉間淋瀝

貫衆 地骨皮

穀精草

枇杷葉

拭去毛刷炙

荊芥

去梗

蜀椒

去目并合口者
已上各一兩

右同搗篩以水三升煮取二升和滓淋漉蘸布帛搦之

蜜陀僧散

蜜陀僧

自然銅

各半兩

杏仁

去皮尖雙仁
一十四枚

右用枯竹筒一枚入藥在內紙封筒口慢火煨候筒

黃色取出研極細看瘡大小用藥以新汲水調勻用

雞翎掃塗癰上甚者不過二七日效

腿遊風

或問腿股忽然赤腫何如曰此名腿遊風風熱相搏而然屬足太陽經宜砭出惡血服防風通聖散去白朮加黃蘗牛膝防已主之

委中毒

或問一女年十四往來寒熱膝後臑內約紋中堅硬如石微紅微腫何如曰此名委中毒此穴在膝後摺紋中屬太陽膽經由臟腑積熱流入膀胱而發用八陣散下瘀血斗許而消若治之稍遲潰則筋縮必成廢疾

膝部 十六

鶴膝風

靈樞云發於膝名曰疝疽其狀大癰色不變寒熱而堅

勿石石之者死須其柔乃石之者生

堅如石者用生
樟陸根擦之効

諸癰疽之發於節而相應者不可治也發於陽者百日

死發於陰者三十日死

陽謂諸節之背陰謂諸節之膈
郛間劉涓子云應者內發透外

也

或問兩膝腫痛股漸小何如曰此名鶴膝風一名

鼓槌風起於中濕或因痢後脚弱緩痛不能行履名曰

刺風或傷寒餘毒不能發散風寒濕氣結於經絡血脉
不流以致筋愈縮而股愈瘦屬足少陽足陽明經宜用
玉龍膏酒調敷腿上以住痛回陽又宜冲和膏塗足跗
以引氣行血服大防風湯追風丸倍加乳香以住痛舒
筋亦宜隔蒜灸之 或問膝上腫痛何如曰此非一端
要須明辨若兩膝內外皆腫痛如虎咬之狀寒熱間作
股漸細小膝愈腫大名鶴膝風急隔蒜灸服大防風湯
但一膝痛引上下不甚腫而微紅名膝遊風宜服聖授

丹換骨丹防風通聖散加牛膝木瓜但膝之兩傍腫痛
增寒壯熱晝夜偏劇腫處手不可近為膝眼毒膝蓋上
腫痛者為膝癰此二證宜服勝金丹或紫金丹八陣散
活命飲加牛膝 薛鶴膝風乃調攝失宜虧損足三陰
經風邪乘虛而入以致肌肉日瘦內熱減食肢體攣痛
久則膝大而腿細如鶴之膝故名之若傷於脾胃者補
中益氣湯為主傷於肝腎者六味丸為主若欲其作膿
或潰後十全大補湯為主皆佐以大防風湯初起須用

葱熨可以內消若津涸口乾中氣不足也補中益氣湯
加五味子頭暈頭痛陽氣不升也補中益氣湯加蔓荊
子發熱晡熱陰血虛弱也用四物參芪白朮畏寒增寒
陽氣虛弱也用十全大補湯飲食少思胸膈膨脹脾胃
虛痞也用四君子湯面色痿黃飲食少思脾胃虛弱也
用六君子湯膿水清稀肌肉不生氣血俱虛也用八珍
湯熱來復去有時而動無根虛火也用十全大補湯形
瘦嗜卧寢息發熱痰盛作渴小便頻數五臟虛損也用

六味丸臍腹疼痛夜多漩溺脚膝無力頭暈吐痰腎氣
冷敗也用八味丸發熱大渴不欲近衣面目赤色脉大
而虛血虛發躁也用當歸補血湯或有痢後而患者亦
治以前法餘當臨證制宜

鶴膝風

又名鼓
槌風

兩大小腿瘦如蘆柴止有膝蓋大者行

履不得用小續命湯料內如草薢川棟子獨活乾木
瓜咬咀不用生薑用水煎熬於碗底先放麝香少許
去滓傾於碗內服之服至數十貼後加五積散同煎

服永瘥 一方用紫荆皮毛老酒煎候溫常服

羅氏蚬蚶丸 治鶴膝風腰膝風縮之疾

蚬蚶 頭尾全者 生一條 桃仁 生 白附子 阿魏 桂心 安息

香 桃仁 同研 白芷 各一兩 乳香 沒藥 各七錢半 已上九味用童便酒二升

炒熱 另研 北漏蘆 當歸 白芍藥 牛膝 羌活

地骨皮 威靈仙 各一兩 共為末

右煉蜜九彈子大空心溫酒化下一丸胡楚望博士病風瘥手足指節皆如桃李痛不可忍服之悉愈

丹溪治一丈人年七十患脚膝疼稍腫

生地黃 當歸頭 白芍藥 蒼朮 炒礬

各三錢

芎

桂 各二錢 木通 一錢半

右四貼煎取小盞食前熱服

一男子年近三十滋味素厚性多焦怒秋間髀樞左右
一點發痛延及於膝晝靜夜劇惡寒口或渴或不渴或
痞或不痞醫多用風藥兼用補血至次年春其膝漸腫
痛愈甚食漸減形瘦羸至春末膝腫如桃不可屈伸診

其脉左弦大頗實寸澁甚大率皆數知其小便必數而短遂作飲食疾積在太陽陽明治之炒黃蘗一兩生甘草稍犀角屑蒼朮鹽炒各三錢川芎二錢陳皮牛膝木通芍藥各伍錢遇暄熱加條芩三錢為細末每三錢重與生薑自然汁同研細多少以水盪起煎令沸帶熱食前飲之一晝夜四次與至半月後數脉漸減痛漸輕去犀角加牛膝敗龜板半兩當歸半兩如前服又與半月腫漸減食漸進不惡寒唯脚膝痠軟未能久立久行去

蒼朮黃芩時當夏熱加炒黃蘗至一兩半予依本方內
加牛膝春夏用莖葉冬用根杵取汁用之効尤速須斷
酒肉濕麵胡椒當仲夏加生地黃半兩冬加茱萸桂枝
換骨丹 通治風兼治鶴膝風

防風 牛膝 當歸 虎骨

酥炙各一兩

枸杞

二兩半

羌活

獨活 敗龜板 秦朮 草薢 松節 蠶沙

各一兩 茄根

洗二兩

蒼朮

四兩

酒浸或酒糊九皆可

脚筋急痛煮木瓜令爛研作粥漿樣用裝痛處冷即易

一宿三五度熱裏便差煮木瓜時入一半酒煮之 子
和治嶺北李文卿病兩膝臃屈伸有聲剝剝然或以為
骨鳴戴人曰非也骨不憂皆能鳴此筋濕也濕則筋急
緩者不鳴急者鳴也若用予之藥一涌一泄上下去其
水則自無聲矣文卿從之既而果然 州守張天澤左
膝腫痛胸膈痞滿飲食少思時欲作嘔頭暈痰壅日晡
益倦此脾肺氣虛用葱熨法及六君加炮薑諸證頓退
飲食少進用補中益氣加蔓荊子頭目清爽間與大防

風湯十餘劑又用補中益氣三十餘劑而消 通府劉
國威先筋攣骨痛右膝漫腫用化痰消毒之劑腫痛益
甚食少體倦加祛風消毒等藥寒熱作嘔大便不實用
二陳除濕之類腫起色赤內痛如銷余診其脉滑數而
無力此濃已成元氣虛而不能潰也用十全大補湯四
劑佐以大防風湯一劑而潰又百餘劑而痊 一儒者
腿筋弛長月餘兩膝腫痛此陰虛濕熱所乘也用六味
丸為主佐以八珍湯加牛膝杜仲間以補中益氣湯三

月餘而消 一男子腿痛膝腫脉浮按之弦緊此肝腎
虛弱也用大防風湯二劑已退彼惑於附子有毒乃服
治瘡之藥日漸消瘦虛症漸至復求治余曰倦怠消瘦
脾胃衰而不能營運也小便不禁膀胱虛而不能約制
也燥熱虛痞胃氣弱而不能化也恍惚健忘精神失而
憤亂也惡證蜂集余辭之後果歿 此證多患于不足
之人故以加減小續命大防風二湯有效若用攻毒藥
必悞 一婦膝腫痛遇寒痛益甚月餘不愈諸藥不應

脉弦緊此寒邪深伏於內也用大防風湯與火龍丹治之而消大抵此證雖云腫有淺深感有輕重其所受皆因真氣虛弱而邪得以深襲故附骨癰疽及鶴膝風證腎虛者多有之前人用附子者以溫補腎氣而又能行藥勢散寒邪也亦有體虛之人秋夏露卧為冷氣所襲寒熱伏結多成此證不能轉動乍熱而無汗按之痛應骨者是也若經久不消極陰生陽寒化為熱而潰也若被賊風所甚傷患處不甚熱而洒淅惡寒不時汗出

熨之痛少止須大防風湯火龍膏治之又有彎曲偏枯堅硬如石謂之石疽若熱緩積不潰肉色赤紫皮肉俱爛名緩疽其始末皆宜服前湯欲其驅散寒邪以補虛托裏也

大防風湯 治足三陰經虧損外邪乘虛患鶴膝風或附骨疽腫痛或腫而不痛不問已潰未潰用三五劑後更用調補之劑

附子

牛膝

錢各一

白朮

羌活

人參

防風

錢各二

川芎

一錢半

辣桂

黃芪

白芍藥

杜仲

熟地黃

甘草

炙各五分

還少丹 治足三陰經虛損患膝風等證又補脾腎進飲

食之良劑也

肉苁蓉

酒浸去甲

遠志

甘草湯泡去骨

懷香

炒

巴戟

去心

枸杞子

山藥

牛膝

石菖蒲

杜仲

熟地黃

為膏

五味

子 白茯苓

楮實子

山茱萸

肉各等分

右研為末用紅棗肉同蜜為丸梧子大每服七十九溫

酒下每日三服白湯亦可

經進地仙丹

換骨丹

二方並見
雜病五卷

素蹇膝伸不屈治其捷

骨空論下同經云輔骨上橫骨下為捷王注云髀輔骨上橫骨

下股外之中側立搖動取之筋動應手滑壽云捷骨之下為髀樞蓋捷即兩骨相接處為捷也

坐而

膝痛治其機

經云俠髁為機王注云髁骨兩傍髁骨為機機後為滑壽云髁骨俠骨兩傍髁骨為機機後為

髁

立而暑解治其骸闕

經云膝解為骸闕王注云暑熱也若膝痛起立而膝骨解

中熱者治其骸闕經云起而引膝骨解之中也滑壽云俠膝解中為骸

膝痛痛及拇指

治其膈

經云輔上為膈王注云膈為膝解之後曲脚之中委中兌

坐而膝痛如物

隱者治其關

經云關上為闕王注云闕在關上當捷之後背立按之動搖筋應手

膝痛

不可屈伸治其臂內

王注云大肘內也

連脣若折治陽明中

俞膠

王注云若膝痛不可屈伸連脣痛如折者則針陽明中俞膠三里內也

膝痛如別

治巨陽少陽榮

王注云若痛而膝如別離者則治足太陽榮通谷內足少陰榮然谷內也

淫樂脛痠不能立久治少陽之維在外上五寸

外上當作外踝

上王注淫樂謂似痠痛而無力也外踝上五寸光明內也

右捷機骸關諸穴更叅訂之

靈膝中痛取犢鼻以員利針之發而間之針大如釐刺

膝無疑

雜病篇

玉鶴膝風腫及腿痛

髌骨

在膝蓋骨上一寸梁丘穴兩膝各五分針入五分留

一吸瀉之

膝關

在膝蓋骨下犢鼻內傍橫針透膝眼在犢鼻外傍集灸留八呼瀉之

集又法

膝關

委中

三寸半但紫脉上出血為妙

三里

不已取下

陽陵泉

中脘

豐隆

通膝腫行間

撮要陽陵泉

橫透陰陵泉補生瀉成

陰陵泉

橫透陽陵泉補生瀉成

膝

關

法見前玉龍下

世脚拘痛 委中

出血

桑脚膝痛筋急 風池 三間 三陰交 三里

脛部 十七

脛疽

靈樞曰發於脛名曰兔齧其狀如赤豆至骨急治之不
急治害人也

脛陰癰

或問足小肚內側微紅微腫堅硬如石三四寸許痛楚

難禁何如曰此名黃鯁癰屬足太陰與足厥陰二經濕熱又積憤所致宜服五香湯流氣飲加牛膝木瓜防己黃檗壯實者一粒金丹下之或萬病解毒丹不足者十全大補湯加牛膝木瓜若過時潰出清水虛火上升嘔吐不食者不治

三里發

鬼遺云三里兩處起癰疽初發如牛眼睛青黑便五七日破冗出黑血汁膿腫攻勝肚連腿裏拘急冷疼此因

傷筋氣勞力所成宜用湯藥注射其外毒自平息矣

接骨發

鬼遺云兩腳接骨近上膀肚下一處起丹疽如胡桃大硬如物打磕之狀不苦疼但腫急脹慮其損筋亦須早出膿毒可保平安也

騙馬墜

鬼遺云垂珠左右兩處起癰為騙馬墜初起大小不定此處微實皮肉薄紋緊口亦難合瘡初起宜以消散藥

貼令內消此處亦易成漏瘡唯宜消散之硬即恐緩慢
難為功矣又云交膈一處近稜線上亦為驢馬墜防漏
俗名跨馬
癰是也

青蛇便

或問足肚之下結塊長二三寸許寒熱大作飲食不進
何如曰此名青蛇便屬足少陰與足太陽經由腎經虛
損濕熱下注所致頭向上者難治頭向下者刺出惡血
服活命飲加木瓜牛膝黃蘗或烏金散紫金丹選用老

弱之人嘔吐腹脹神昏脉躁者死

青蛇便生小勝上下頭生望上攻走入腹者不可治頭
生向下尾在上即為順可治也急服二十六味托裏散
外用神方鐵箍散薑汁陳醋豬膽同調敷之上望下趕
蛇頭上用三稜針針入二寸出黑紫血出針急下保生
散用紙撚蘸藥送入

瓜藤纏

或問足股生核數枚腫痛久之潰爛不已何如曰此名

瓜藤纏屬足太陽經由臟腑濕熱流注下部所致用防風通聖散加檳榔牛膝防已主之

濕毒流注

或問足脛之間生瘡狀如牛眼或紫或黑膿水淋漓止處即潰爛久而不斂何如曰此名濕毒流注暴風疾雨寒濕暑氣侵入腠理而成宜服防風通聖散加木瓜牛膝防已之類或當歸拈痛湯加牛膝

下注瘡

或問脚膝間膿水不絕連年不愈何如曰此名下注瘡亦名濕毒瘡因脾胃濕熱下注以致肌肉不仁而成瘡也在外屬足太陽少陽經在內屬足厥陰足太陰經宜服防風通聖散加木瓜防已牛膝之類外用祛風等湯藥洗製女貞葉貼之

內踝疽

靈樞云發於內踝名曰走緩其狀癰色不變數石其輸而止其寒熱不死 或問足內生疽何如曰此名鞋帶

癰由寒濕滯於足陽明與足厥陰肝經血澁氣阻所致
初宜隔蒜灸之服流氣飲加牛膝木瓜防己壯實者一
粒金丹下之老弱者十全大補湯內托黃芪柴胡湯主
之

外踝疽

或問足外踝生疽何如曰此名腳楊毒屬少陽膽經足
太陽膀胱經濕熱下注宜服內托羌活飲黃連消毒散
內托復煎散選用勝金丹烏金散紫金丹皆可用

多骨疽

別見

或問足脛生疽既潰甚久而不愈腐爛出骨者何如曰
此名多骨疽亦名刺骨又名朽骨蓋因毒氣壅盛結成
此骨非正骨也宜服勝金丹十全大補湯加牛膝防己
紫金丹烏金散人參養榮湯加木瓜牛膝防己相間服
此疽因未潰之前補劑太過故結毒而不散耳宜授仙
紙黃龍膏貼之

腓肭發

或發足小肚生疽寒熱煩躁何如曰此名腓肭發疽屬
足少陰腎經由腎水不足積熱所致古方云不治宜活
命飲加牛膝木瓜黃檗老弱者八珍湯加牛膝壯實者
一粒金丹下之涉虛者難治以腎氣丸十全大補湯主
之潰出血膿者生潰出清水者死

臄瘡

鬼遺云兩曲臄膀肚下內外兩踝前有廉刃兩邊為裏
外廉上結癰腫此處近骨難瘡宜用收毒散外貼四畔

中心即用活血肉藥貼無害 或問足內外膝生瘡連
年不已何如曰此由濕熱下注瘀血凝滯於經絡以致
肌肉紫黑痒痛不時女人名為裙風褲口瘡即膝瘡也
最難克効蓋以裙扇地風濕盛故也宜服獨活寄生湯
防風通聖散加牛膝木瓜防已外用隔紙膏或製女貞
葉貼之 薛肱瘡生於兩膝初起赤腫久而腐潰或浸
淫搔痒破而膿水淋漓蓋因飲食起居虧損肝腎或因
陰火下流外邪相搏而致外膝屬足三陽濕熱可治內

肺屬足三陰虛熱難治若初起惡寒壯熱腫焮作痛者
屬濕熱用檳蘇敗毒散若漫腫作痛或不腫不痛者屬
陰虛用補陰八珍湯若膿水淋漓體倦食少內熱口乾
者屬脾虛用補中益氣加茯苓酒炒白芍藥若午後熱
或作痛頭目不清者屬陰火前湯加酒炒黑黃檳及六
味地黃丸若午後發熱至子時分方止是血虛前湯加
芍歸熟地若鬱結傷脾而甚用歸脾湯加柴胡山梔若
怒動肝火而甚用補中益氣湯加川芎山梔黃芩內熱

口乾肢體倦怠或痰涎上升或口舌生瘡屬脾腎虛熱
用六味地黃丸補中益氣湯若患處黑黯肢體畏寒飲
食少思或脾腎虛敗用八味丸若誤用攻伐復損胃氣
絕其化源治亦難矣 鴻臚程少溪兩脇生瘡漸至遍
身發熱吐痰口燥咽乾盜汗心煩溺赤足熱日晡益甚
形體日瘦此腎經虛火也用六味丸不月諸證悉退三
月元氣平復 一男子左脇腫肉色如故寒熱惡心飲
食少思此脾氣不足而為外邪所感也用六君加藿香

桔梗川芎而寒熱止又用補中益氣湯而腫痛消陸
懋誠素因陰虛過飲入房發熱腿痛似膝瘡用發表之
劑兩腿腫黯熱氣如霧欲發痙脉皆洪數兩尺尤大余
曰屬足三陰虛酒濕所乘元氣損而邪益甚耳用十全
大補加山藥山茱萸附子一劑脉證頓退却去附子又
二劑全愈一男子先患兩膝後及遍身生瘡似疥非
疥時或膿水淋漓兩腿為甚肢體倦怠作痒煩熱年餘
不愈余作腎經虛火用加減八味丸而痊

二妙丸

治下焦濕瘡

但是下焦有瘡皆可服

潛行散末蒼朮末

各等分煉蜜為丸桐子大

海黃芪丸

局方

治兩脇脚膝生瘡服此立安

川烏頭

炮去皮臍

川楝子

地龍

去土炒

懷香

炒杜蒺藜

去炒

刺赤小豆

防風

去蘆

黃芪

剉各一兩

烏藥

右為細末酒煮麴糊為丸如桐子大每服十五丸溫酒下鹽湯亦得婦人醋湯下並空心服

治臙瘡極妙地骨皮一斤黃檗皮二兩剉為粗末用香

油一斤半煎濾過藥油六七兩入淨松香二拾兩黃丹
二兩同煎候黃丹微黑色却入輕粉七角光粉二角煎
法皆如煎膏法用長條紙拖過掛乾用若瘡紫黑色用
三稜針去惡血以冷水洗淨隨瘡大小剪膏藥掩上用
絹帛紮緊候一周時再換膏藥換時須用冷水洗瘡不
過數換不問新久即愈須忌日氣火氣陽氣倘換膏藥
再看如有黑腫未盡可再出血以紫黑血盡為度

治臙瘡用糯米泔漱口過洗瘡拭乾却以地骨皮為細

末蜜調傅瘡上又以油紙縛之

丹治臙瘡

白膠香 黃檗 軟石膏

另研各一兩

青黛

龍骨

各半兩

右研為細末以香油調傅患處

又方用羯羊屎二分石膏一分赤石脂半分為細末香油和之舊黑油傘紙作隔膏縛之除根

羅翠玉膏治臙瘡

瀝青

一兩黃蠟

銅綠

各二錢

沒藥

乳香

各一錢

先將銅綠為細末入香油調勻又將黃蠟滙青火上
鎔開次下油銅綠火上攪勻將沒藥等二味旋旋入
攪勻用河水一碗將藥傾在內用手扯拔勻油紙裹
看瘡大小分大小塊口嚼捻成餅子貼於瘡上紙封
三日易之

丹臙瘡用砂糖水煮冬青葉三五沸撈起石壓乾將葉
貼在瘡口上一日換二遍 脚痛成瘡水蓼煎湯洗瘡
候乾自安

山臙瘡用韭汁洗淨拭乾剉虎骨傳上

乳香散

郭氏

治諸瘡浸蝕日久不愈下注臙瘡內外踝

生瘡頑瘡等證

枯礬

白膠香

赤石脂

各半兩

黃丹

乳香

沒藥

各三錢 輕粉 二錢

右為細末加麝些少如瘡濕乾則香油調敷

輕粉散

郭氏

治下注瘡瘡蝕臭腐爛疼痛不可忍者

黃礬

蜜炙

蜜陀僧

黃丹

高末茶

乳香

各三錢

輕粉

一錢

半
麝香少
許

右為末用葱湯洗瘡次貼此藥兼治小兒疳瘡

治臙瘡方

鼠糞 苦參 桃枝 杉樹刺 柳枝 松枝 麩

醬 雞子殼 皂角 雀糞 芍藥 木綿子 芝

麻 桑枝 蛇殼 鍋底煤 杜當歸鬚各四錢 松明不拘多少

右研為末先將松明搥碎和諸藥於瓦鉢中掘一地坑
將藥銚安坑中四圍用火熬鎔取出再研令勻傳瘡自

然瘡可忌一切發氣熱物

隔紙膏 治內外癰瘡

當歸 白芷 黃連 五倍子 雄黃 沒藥 血竭

海螵蛸 白芨 白斂 黃礬 厚朴 已上各半兩 黃

丹 乳香

六錢 研二錢 半輕粉一錢

右為細末研勻清油調成膏油紙貼藥傳瘡上絹帛縛定有膿水解開刮去不潔再貼藥如此即愈須先用燒鹽湯洗淨片帛拭乾待片時水氣乾然後貼藥

治臙瘡久不愈

龍骨

二錢半

輕粉

少許

檳榔

半兩

乳香

各一錢

沒藥

各一錢

乾豬糞

半兩燒存性

為末以燒鹽湯洗瘡軟絹拭乾清油調傅濕則乾摻之

治臙瘡下注

白石脂

龍骨

各半兩

白礬

一兩枯

五倍子

二兩燒存性

黃丹

三錢飛雄黃少許

右為細末先將葱鹽湯洗瘡見赤肉然後將前藥傅瘡

上用藥如法厚者用帛子包縛著不要動候乾瘡皮自脫

治臙瘡

黃丹 輕粉 白芨 樟腦 敗船灰

各等分

右研為細末以桐油調成膏攤在油紙袋內先煎溫葱湯洗淨以帛拭乾將藥置瘡上紮住用了一面番轉如前洗貼一方無輕粉者若用糞船灰亦妙

治臙瘡方 詹武子年三十時曾患此用之屢效

白芨 白斂 黃礬 黃丹

另研各等分

入輕粉些少研勻以煉蜜和成劑捏作餅貼瘡上深者填滿以帛片包紮一日一換後來瘡漸乾或有裂處只須乾摻以瘡為度

治血注脚

桑樹菰

牛屎菰

又名石炭塊者碎其中
有灰起

肥株樹

菰

胎髮

男用男女
用女三個

將上三菰焙乾各五錢胎髮燒灰存性三錢並為細末研勻濕則乾摻乾則清麻油調塗

治臙瘡方

冬青葉 臘豬膽 百草霜

三味和勻

將上冬青葉與本人嚼爛先以葱椒湯洗淨瘡口以膽霜傳後却傳嚼葉在上三四次即可

奇妙梔子散 治遠年日久內外臙瘡

山梔子

不拘多少燒作灰研為細末

乳香

另研各半錢

輕粉

許

右研勻以磁器盛每用時先以葱白花椒煎湯洗瘡稍歇再以溫漿水又洗一次候惡水去盡後再將白水煎

百沸候溫再洗但瘡口無膿水血絲清水各盡又用
粉帛片拭乾然後傳藥如乾者香油調傳濕者乾摻
但將瘡口實滿軟絹帛護之堅硬不作膿者未可用
腫如軟有膿者依前法再洗後傳貼之三二次即愈
乃一藥二洗之功也

治膿瘡方 先以葱白漿水熬湯洗淨瘡口拭乾徐以
輕粉末摻上瘡口却用五靈脂黃蘗各等分碾細末
凉水調敷瘡上紙蓋定三五次即平復

腎臟風屬腎虛風邪乘於腠脛以致皮膚如癬或漸延上腿久則延及遍身外證則搔痒成瘡膿水淋漓眼目昏花內證則口燥舌乾腰腿倦怠吐痰發熱盜汗體疲治法用六味丸為主佐以四生散若脾胃虛弱者用補中益氣為主佐以六味丸四生散為善 欽天薛循齋六十有一兩膝患之膿水淋漓發熱吐痰四年矣此腎臟風證也與六味丸四生散而瘥年餘復作延及遍身日晡益甚痰渴盜汗唇舌生瘡兩目昏赤皆腎經虛火

而水汎為痰用加減八味丸而愈三年後小便淋漓莖中瀉痛此思色精不出而內敗也用前丸及補中益氣湯加麥門五味而愈

治男子兩足瘙痒生瘡連年累月俗為腎風瘡宜服此藥

黃芪 牛膝各半 羌活 獨活 川芎 防風 木

香 白附各二錢半 白蒺藜一兩去刺

右研為細末煉蜜和丸如桐子大每服三十九空心鹽

湯送下仍以後方藥傳之

檳榔 木香 防風

白芷

各二錢

白芨

一錢

龍骨

五分煨另研

麝香

一字另研

蛇退

一條燒灰

膩粉

十五箇

右為細末研勻先以鱖魚一條搥碎百部一兩切碎南椒三銖油一兩煎令得所去藥只以油搽瘡口却傳末藥上以油紙裹之三日一換每上藥時先用柳枝甘草煎湯洗瘡淨拭乾傳藥

驢蹄散

治腎臟風毒下注生瘡

驢蹄

二十片
燒灰

蜜陀僧

二錢
半研輕粉
一錢
七

麝香

半錢

右細末以帛拭去膿用些少乾摻日三四次瘡

風疽

凡脚脰及曲肱中痒搔則黃汁出名風疽治之方


以青竹筒一枚徑一寸半長三尺當中著大豆一升

以糠馬屎二物燒為火當竹筒中燒之以器承兩頭

取汁先以泔清和鹽熱洗瘡了即塗豆汁不過三度

極効

又方 嚼胡麻傳以綿裹之日一易神良



證治準繩卷一百十二